

瓊州府志卷之四 上

輿地志六 山川 巖洞井泉

瓊山縣

山

抱珥山在城內道署西高三丈餘 阮通志

龍文山在府署後高三丈餘明知府林有祿培筑

同上

三台峯在府學宮後脈自抱珥龍文聯絡排列□

三台然 新增

蒼屹山在城南二里石峯屹立水流其下

有仙人洞又名紫霞洞 大清志

瓊州府志 卷四 輿地 山川 一

鴈塔峯在城南三里平岡一峯尖秀如筆水環其

下同 下 宋郡人姜唐佐始登第因名元至正間□

鴈塔亭於上明萬曆時豎三元碑於中峯故□

名鴈塔三元峯 郝通志

赤石岡在城西南五里石多赤色 阮通志

靈山在城東南十五里舊名黑山俗名聖山自北

來者渡海中洋即見之喬木蔭翳上有神祠至

為靈顯 大清志 一 上有靈山祠所祀之神有六

郝通志 曰靈山曰香山曰瓊崖曰通濟曰定邊曰

班師今並祭之 黃通志

瓊崖嶺在城南十里 蕭志 作 卽古珠崖郡城址

大清一統志 平地起峯高百蕭志餘丈郝通

潭龍嶺在城東北二十里登絕頂可望黎母諸山

其下有泉分兩臂並趨西南一泉中湧名曰卓

錫相傳宋僧和靖常卓錫於此粵東名勝志

鋪錦巖在城南三十里元蔡貞女九娘死節於此

又名鋪錦谷廣東輿圖

順村嶺在城東南三十里平坡起峯元僧無我建

塔於上右為龍盧洞同上

西石山一名馬鞍山在城西四十里高三十餘丈

為郡城主山蕭志上多石下有洞可容數百人古

傳有鼎石丹爐在挺峯之下西隅石基乃鄉人

瓊州府志

卷四上輿地山川

二

禱雨之所上有井與海通戴通志西南一里有遞

蓮崗稍西為龍廊崗牛志

虎村嶺在城西南五十里高二十丈一名雷虎山

又名波秋嶺脈自西石山蜿蜒而來至此崛起

狀若虎踞亦名虎蹲嶺下有溪流為西南湖又

南有鴉卜峒同上

扶山武德縣有扶山隋書地理志在城東南五十里左

有五嶺一曰從衡二曰思崗三曰光螺四曰居

碌五曰居林遞相擁護故曰扶山蕭志昔有陶公

侃之故又名陶公山通志道書以為第二十四福

久有巨潭流三十六曲以達於江明一統志其西

有蒼巡峒中有二井阮通志

瓊山在城南六十里大清志圖經云瓊之取義

蓋瓊山縣奉化鄉有瓊山白石二村土石皆白

似玉而潤種蘋其上特美所產檳榔尤佳其石

如瓊瑤耳輿地勝志唐因以名縣蕭志

雲露山在城西南六十里高百餘丈中有三潭上

一潭林木陰森人不敢近其次二潭生小石如

橄欖有竅可穿俗名橄欖珠歲旱禱雨多應阮通志

志

東石山在城東南七十里平原中一峯突起狀如

交椅石上有巨人跡又名美丙嶺蕭志

瓊州府志

卷四上 輿地 山川

三

了髻嶺在城東八十里高二十餘丈形如了髻同上

龍堆山在城東南八十里山下有息石初甚小歲

久漸大鄉人祀以為神黃通志山在那射都又名

那射山分為二山者誤大清志

石鼓嶺一名南岐嶺在城西南一百六十里西黎

都高二十餘丈中有大石盤圍十丈許有小石

叩之其聲如鼓蕭志

盤塔嶺在南岐嶺南上有十三峯下有溫泉又山

頂有涅槃塔阮通志

白石水泡嶺在縣西南一百八十里諸峯環抱南

有白石石下湧泉若湯沸起同上

仙人峒在蒼屹山後峒口一石如爐內有石版刻  
云盤龍屈曲自何起伏回翔幾里後人於何里  
字下添方長二字志牛明嘉靖間郡守張子宏偕  
貳守趙可旦遊覽改題曰紫霞峒建安仙青雲  
二亭萬厯間副總兵鄧鍾建羸惠庵其左有流  
芳亭副使蔡夢說建右有會心亭知府倪凍建  
各有題詠志瓊山

蒼巡峒在符村西峒內有二井鄉人嘗於此汲水  
其一深暗不能入同上

龍廊峒在石巖都東南一里峒路崎嶇自西南而  
入深二十丈旁有小峒十二可容數百人大清

瓊州府志

卷四

上

輿地 山川

四

志一統

遞蓮峒在石山舖西南一里許入石門行數十步  
徑竇委曲相通大小凡五峒有石磴如榻可容  
數十人上有一門透露天日志牛傍有黑峒無火  
不能入志大清

鴉卜峒在雷虎嶺南周廣約里餘深數丈雖秋潦  
彌月不滿中有石墩牛馬牧其內志瓊山

龍盧峒在張吳都顏村側卽顏盧縣故址副使黃  
顯休養之所知府史朝宜相訪詩棟宇春深古  
顏盧暖風晴日集靈都野花作意當年落山鳥  
迎人隔岸呼綠暗煙蘿低蓋入丹懸嶺樹緩車

驅清幽深得高賢致羅蜜根前坐夕暉同上

川

學前水在城南源自西湖流經縣學前蕭志作舊

又東南入南渡江一統大清志流經洗馬橋東從

舊縣學繞郡城過南橋至蕃誕村會大江入於

海採訪冊

第一水在縣西三里自山澗流出繞下田村又西

三里次一澗謂之第二水皆流入海一統大清志

南渡大江在城東南十里發源五指山經臨高澄

邁定安三縣地界流至城南六十里曰白石河

至城東南十里曰南渡大江又五里曰博冲河

瓊州府志

卷四上輿地 山川

五

口北流入海自博冲口分一枝繞城東曰河口

河阮通志瓊城柴米竹木多由此運入一統志載

黎母水即此蕭志

河口河在郡城東門外明宏治間知府張桓因里

老唐正等上言買博冲民田開河引水直抵城

濠以便通糧牛志後淤乾隆元年巡道潘思榘疏

鑿繞城東門南接博冲河北經金粟庵明昌塔

通白沙港入海自是舟楫可通海口商貨駢集

民賴其利號為潘公河勒碑岸側十九年巡道

德明精於水利度河東北下窰口建石閘以資

啟閉灌田益廣歲撥府地稅銀六兩為閘夫工

食商民立碑闡旁名曰德公聞蕭七年前乾隆四

撥費萬經州督撫咨部奉准在案四百兩八年息價為買樂

會縣崇八文分鄉三土名業三毫墩崗錦舖等兩處田錢四分

佃四輪租九錢毫三折十制一錢千壹千文除完糧外實存錢每貳年拾

玖千四庫存貯專為歲修潘公河之費會縣徵收

博冲河口在城東南五里頓林東昌二都界水從

南湖流出亦從大江而入為郡治巽方之水形

家言不利於郡城尚書王宏誨言於知府謝繼

科通判潘大熙塞之嗣水漲淹田鄉人共稱不

便鳴於署府事推官傅作霖復開蕭志

海口港在城北十里海口所北官渡自此過海又

瓊州府志

卷四

上輿地山川

六

十里為牛始港二十里為白沙港同上

神應港在縣北十里戴志通瓊州白沙津番舶所聚

之地其港自海岸屈曲不通大舟而大舟泊海

岸又多風濤之虞王帥光祖直欲開一港以便

商旅未就忽颶風作自衝一港尤徑於所開遂

名神應時淳熙戊申也輿地勝紀

峻靈潭在縣東周二百餘丈魚味特美蓋黎母水

所匯也大清志一有峻靈神祠今廢蕭志

南渭溪在縣南十六里有二源一出縣南十五里

謝潭一出縣南二十里蔭潭合流十餘里東北

入南渡江水清如渭土人呼水為南故名鄉人

沿流築柵置車升水灌田一統大清志

謝潭在城南十五里許澗泉湧出瀦爲潭深莫可

測蕭志

蔭潭在城南二十里許源出山澗瀦爲潭大旱不

涸同上

白沙河在海口東三里乾隆六年監生陳國安等

倡捐由白沙村尾疏鑿通海瓊山

東湖在城東十二里博茂都相傳有巨室居此一

夕陷爲湖官民□廟

西湖一名頓崖潭在□□十五里有玉龍泉出自

石竇寒冽甘潔滙而入湖大清志昔人刻石

瓊州府志

卷四上輿地山川

七

爲龍置泉上水從龍口噴出故又名龍潭上有

龍廟禱兩輒應其水一達博冲一東流爲學前

水繞縣前過洗馬橋及南橋入於南渡江蕭志

小英港在城西北十里又十五里爲鹽竈港

烈樓港在城西三十里乃漢軍渡海之處有大石

生海邊北有三墩名烈樓嘴海南渡徐聞此爲

最近俱同上

新溪港在城東五十里界接文昌明萬歷間地陷

數十村遂成溪與舖前港相通縣志

麻錫港在城東北四十里又十里爲芒芎港又二

十里爲東營港又三十里爲博茂港又四十里

爲北洋港

蕭志

西南湖在城西南五十里雷虎都乃虎村嶺溪流  
瀦爲湖東南流經梁老橋入南渡江卽一統志  
所載南湖也去湖四十步有仙井上有仙遊遺  
跡石刻詩

銅鈔溪在城東南八十里源出那射山中有巨石  
如銅鈔水注其中其聲如雷溢出文昌舖前港  
安容湖在城南八里

小西湖在城西

五龍池在城西十二里五原都五泉湧出成池經  
濱涯轉南茂橋入海

俱同上

瓊州府志

卷四

上輿地山川

八

洗馬池在城南三里

阮志通

豐好水距城七里龍眼水九域志郡國志并在瓊

山界

輿地勝紀

蓮塘在城南產白蓮

蕭志

東山溪在城西南七十里經澄邁定安達南渡江

雙塘在城西四十五里文盛都

舊名山下石都

其塘一大

一小一清一濁大小相連淵深莫測鄉人祀以  
爲社遇旱禱之卽雨

府門井卽舊蓮塘井在城西南泉味甘冽環城人  
皆汲之

雙井卽海南衛前井宋景定三年鑿其一久湮元

皇慶間元帥郝靠山復浚民取汲焉今塞其一  
東坡井在舊道治後東北隅東坡曾憇息於此故  
名宋時井在城外明初廣城遂圍入城內至萬  
曆乙卯碑作庚辰郡守謝繼科碑作唐移碑作重建洄

酌亭於此有記勒石今亭廢碑記尙存

觀風井在察院公署左萬曆戊子巡按蔡夢說開

自記立碑俱同上

北城井泉味清冽明吳昇開指揮徐瑄修縣志

玉液井在城內西隅管糧廳後明景泰五年知縣

陳用已開蕭志

西城大井在城大西門內街北明正統間指揮李

瓊州府志

卷四

上輿地山川

九

翊開今西門人汲之同上

鍾公井在小西門內深三丈許周砌石旁有碑鐫

鍾公井三字採訪冊

毓秀井在城東北二十里潭龍嶺後其味清冽

馬皇廟井在小西門馬皇廟內鍾司徒鑿

鏡井在東山市西北一里許天生自然廣三丈深

無底水清如鏡羣魚出沒井門通三十六曲溝

溝水濁井水清分明不混如河濟然俱同上

水關井在北城內泉味甘冽蕭志

武秀井在城東街武秀坊前明宏治間指揮張詡

開

晏清泉在小北門內晏公廟後味甘勝城內諸井  
元時開石刻晏清泉三大字

南城脚井指揮李泰開

瓊漿井在南郊舊縣學東明洪武間教諭趙謙浚  
深四丈立二石柱駕轆轤以汲水後人又立石  
碑刻瓊漿二字今井基尙存

六角井在城南郊舊縣學東路畔石砌六角有柱  
今南郊外汲之

淨沙泉在城大南門外西南濠畔泉味甘冽勝諸  
井

枇杷井在南橋解元唐濂伯居前有大枇杷樹陰

蔽於上故名味甘冽而不竭亦名仙井鄉人傳  
有金鯉時見以爲解元之兆

南宮井在南橋外南宮殿廟後泉味甘冽大旱不  
涸

玉龍井在城西南五十里泉出石竇如飛珠走玉  
水寒冽大旱不竭郡中祈雨必於此請水郡人  
鄭廷鵠有銘

雙眼井在城南門橋外舊山川壇北泉味甘冽不  
下沙井

洗心泉在城北接龍橋下郡守賈棠建橋得此泉  
立石命名有記

雙泉在城外東北隅宋蘇軾於此得二泉一名金粟一卽此泉相去咫尺而味異上有臨清亭濯纓亭後陸郡守又建洄酌亭並廢

金粟泉卽雙泉之一又名浮粟井在城東北里餘與右北隅泉相望而味尤佳萬曆壬子郡守翁汝遇創建粟泉亭掘地得一石有東坡行草書跡遂攜去四十二年郡守謝繼科復於井上甃石琢雙龍頭於井中泉從龍口噴出灌注於田建亭曰會源建庵曰金粟復設東坡書院開塘一區四十五年提學副使戴熺建二蘇祠於泉上歲久諸亭俱圯至乾隆間學使翁方綱復建

亭於書院之前補題其額曰洄酌亭

竹根井在城東一里唐胄鑿有銘

清惠泉在城北五里亭明萬曆戊申郡守倪凍鑿旁建亭曰清惠故泉亦以此名味甚甘冽行人憇息多飲之有石勒銘並刻倪公井三字

白玉井在海口紅坎坡西土人呼曰白土井味甘

冽明宏治間陳英俊開

噴珠井在文峯塔下

龍井在城西蒼驛都鄉人琢石爲龍置穴中水自龍口噴出大旱不涸

田井在城南四十里遵都周圍三十步許冬溫夏

冽旱則三五十里皆汲之

惠通泉在城南五十里三山庵下宋蘇軾經此飲之謂味類惠山泉因名惠通並作記故亦名東

坡井俱同上

仙井在東潭都石巖中深一丈有平石左刻貞元二年右刻熙寧甲寅數字阮通志

澄邁縣

山

邁山在城東南五里高三丈蕭志以縣境內有澄江邁山故隋以名縣下有泉名七里久旱不涸

大清一統志

瓊州府志

卷四

上

輿地

山川

十二

獨珠山在城東十里圓潔如珠下有泉名滴珠泉

同上

大勝嶺在城西十里高二十丈漢伏波將軍屯兵於此征蠻得勝因名黃通志明成化間知縣韋裘

建石亭於上蕭志

萬歲岡在大勝嶺南高十餘丈石如列屏雨則雲霧籠罩又名聖石下有清泉

夏石嶺在城西南十五里兩峯連翠鄉人每季夏祭社於此故又名夏社嶺

佛社嶺在城南十五里高三丈上有神祠下有清泉久旱不竭流通稍陽水

社仁嶺在城東南二十里高五丈鄉人立五土神祠於上

石礪嶺在城西北三十里高三丈餘舊立烽此

石龜崙在城西三十里許奇石如龜潤則旱乾則雨俱同上

文裔山在城東南三十里高二十餘丈連峙三峯亦名三峯嶺上有石裂口冬月火氣薰蒸下有泉五穴昔人琢石爲五龍頭水從龍口噴出名龍泉禱雨輒應縣志

青山嶺在城東南三十里高十丈巨石如室中有

瓊州府志

卷四

上 輿地 山川

十三

神像禱雨輒應阮志 通

雲賓谷在城西北三十里谷極幽邃昔有處士吳

璿阮志 通 濬隱此邱文莊有記又名迎賓谷

三峯嶺在城南三十里三峯聳列如三台然

幹峯在城南三十里又名崑烈嶺

昌通嶺乃幹峯分支南行里許穿田突起象極圓淨

嵩嶺在城西四十里

北畔嶺在城西南五十里高三丈明嘉靖間邑令秦志道議遷縣治於此基址猶存

北地嶺在北畔嶺迤東俱同上

吾魯嶺在城西南五十里寶立村下有石筍排列  
如掌鄉人立社於此禱雨輒應縣志

西岸嶺在城西五十里四面巖石環繞下有泉極

清冽阮通志

眠狗嶺在城南五十里以形似名又名羣石嶺中

有巨石磷磷四面溝渠環繞洵爲勝概同上

美梁山在城西五十里脈自福山迤邐至此突峙

員如驪珠下有泉如注歲旱鄉人擊鼓禱之輒

雨縣志

創策嶺在城西五十里宋王居風家於此

坤元嶺在縣西五十里形圓如珠上有神禱雨多

瓊州府志

卷四上 輿地 山川

十四

應俱同上

寶河嶺在城南五十里脈自那羊嶺蜿蜒數十里

蘊結於此頂突成七星登嶺眺望一邑山川秀

若列眉阮通志

那羊嶺在城西六十里澄臨交界蕭志

合嶺在城南六十里峯巒拱合故名瓊澄分界於

此同上

蔴山嶺在城南六十里高十丈連亘有牽牛嶺高

五丈阮通志

秀水嶺在城南六十里上有龍神廟縣志

石鼓嶺在城東南七十里高三丈上有二石並峙

扣之聲如鼓凡遇令節鄉人擊之以爲樂蕭志

黃家嶺在城南七十里元時黃千戶家於此縣志

北雲嶺在城西南七十里高數十丈有石爲屏翰

溝爲環繞中間層級登若升階阮志 通

南龍嶺在縣南一百里綿亘十餘里山勢起伏若

龍久旱將雨遠望有火光燄燿

眠床嶺在城南一百二十里平崗如床故名俱同上

官苟嶺在城南一百二十里高二丈巖勢險峻

中有石峒名大坡峒可容千人明洪熙間定安

黎王官苟曾聚衆於此因名大清志 一統

南黎嶺在城南一百二十里高二丈綿亘數十

瓊州府志 卷四上 輿地 山川 十五

里與官苟嶺相接皆黎人所居同上

白石嶺在城西南一百二十里上多白石故名廣東

輿圖頂有深潭泉自石峯出歲旱白黑必雨大清

一統志

佃當嶺與白石嶺連接上有二石一仰一覆郝志 通

長嶺在西黎正都白石嶺脈從此出橫亘綿延頂

有田一區其粟一殼二米同上

羣佃嶺在縣西一百二十里通臨高界下有外峒

中峒內峒皆爲熟黎所居阮志 通

眞武劍嶺在城西南一百二十里山形如劍龜蛇

多出其中而未嘗毒人故名眞武縣志

居託嶺在城西南一百二十里高五丈  
筆架嶺在縣西一百二十里脈自居託嶺高十丈  
形如筆架

交椅嶺在城西南一百三十里形如交椅前有古  
道行人往來嘗聞鼓聲俱同上

川

澄江在城南里許其水澄澈隋因以名縣郝通其

源有二一爲內澄江在城南源出瓊山西石山  
至縣治東爲九曲水過南門橋轉至西門橋亂  
石林立砥柱江流名曰裏灘迴環二十五里北  
至東水港入海一爲外澄江在城南里許源出

瓊州府志

卷四

上 輿地 山川

十六

瓊山石巖都至縣治倘驛都合流環繞縣南名  
曰外灘圍抱流三十里亦匯東水港入海俱係  
小溪不通舟楫蕭志灘上有橋爲儋臨昌感要道

探訪  
冊

那夾潭在城東十餘里石間泉湧成潭溢流與瓊  
之那洋陂合至陳公橋入東水港縣志

搏龍潭在城南十里水自倘驛沙吉村流經此成  
潭大清一統志相傳明景泰天順間有龍躍潭中

故名其水匯外灘入於海蕭志

鯉魚潭在縣南三十里泉出山穴瀦爲潭深且澄  
碧中有異魚如鯉取烹之輒化爲水其流溢出

達新安江阮通志

新安江一名龍安江在城南六十里源出五指山

至定安縣曰建江至瓊山縣曰南渡江蕭志

南渚江在縣南七十里源山西黎流入新安江縣志

南瀆江在縣東南七十里源出南黎流入新安江

寶河水在城西南五十里合寶立水雙流曲如蟬

蝮會西峯水出石礮港入海

新田溪在縣南六十里源出文裔那托北畔合流

至安寧入江

南坑水在城南六十里源出南莊山流入新安江

稍陽水在縣西三十里合倘驛南滾二水流入石

瓊州府志

卷四上 輿地 山川

十七

礮港俱同上

南滾泉在縣西南三十里泉湧若沸流入石礮港

蕭志

西峯水在縣西五十里會石礮港入海縣志

沙地水即那黎水在縣西四十里水色黑而毒涉

者多皮裂往來皆以桶渡其流會石礮港入海

南茂灘接外灘入海

東水港在城西北十里下受海潮上合澄江祥塘

諸水潮起巨艦可直抵西門通潮閣後俱同上

石礮港在城西北三十里源合西峯沙地南滾稍

陽四水會流入海蕭志

泉鑿港在城西北五十里附近有顏張港又十里  
爲麻顏港又西爲玉抱港臨高交界志縣

龍塘在城南七十里相傳有龍見於此同上

縣東井在縣東又縣吏舍井在縣西俱嘉靖九年

知縣朱鑾鑿蕭志

縣西井明天順四年主簿伍細佐鑿

學前井明隆慶間訓導陸世卿鑿

永慶井在迎恩門外明洪武間知縣汪貴建寺鑿

今寺廢井存俱同上

油行井在城北泉出田間清甘勝他井志縣

縣前井明洪武間知縣劉時敏鑿

瓊州府志

卷四

上 輿地 山川

十八

道靈井在儒學東下街明時鑿

七里井在城東七里舊萬全都石罈湧泉久旱不

竭

鹿公井在城內康熙間知縣鹿耿鑿旁有碑鐫鹿

公井三字

瀑布泉在縣南四十里源自安寧流至嵩嶺東瀉

下灘如瀑布聲響如雷

博市泉在舊多稔都自大勝嶺流出四時不竭

新村井在城東半里其泉清冽

東門井在分司東明萬厯間貢生李登鑿

滴珠井在城東十里獨珠山下泉滴如珠清冷徹

骨

高公井在倘驛正都相傳明景泰間有高公者過此指其地掘之得泉甚甘冽 万賴之

龍寨清井在水南中都龍寨村泉味甘冽鄉人築亭其上

玉堂井在城西九里萬稔都

石泉在倘驛買弄村泉自石出盛暑臨之涼氣襲人

北岸泉在北岸廟前歲常竭當廟祭擊鼓三通泉輒湧溢祀事畢復竭

美滾泉在城西五十里旁有五丈石圍之泉清甘

瓊州府志

卷四

上 輿地 山川

十九

中多錦鱗游泳

文裔龍泉在文裔山下泉穴凡五湧爲池昔人鑿石作五龍頭泉從龍口噴出旁有庵旱禱多應起龍泉在倘驛佛社嶺旁深二丈餘流通稍陽水

相傳舊有龍起亢旱於此禱雨

俱同上

新泉在城東半里以近新村故名水甘冽雖郡城浮粟泉不能過焉士人多踐污乾隆二十七年知縣陳名儉鳩工補砌甃高三尺有記

蕭志

東巽泉在城南四十里王家都流瀉三丈餘四時有聲朝響則雨暮響則旱俗呼聖井

那陀泉在東水海港中潮滿浸過潮退湧出淡泉

清冽如常井民共汲之

神頭泉一名馬蹄泉在城南十五里倘驛都舊傳

有婦人騎馬至此地陷泉出今馬蹄跡猶存縣

志為馬蹄井

水曲泉在城南一百里南黎都四時常溫

南豔溫泉在城南一百里西南黎界青山嶺東溫

可瀾雞豚俱同上

潭澇泉在城西十二里從石坎流出四時盈溢會

石礮港入海縣志

定安縣

山

瓊州府志

卷四

上 輿地 山川

二十

馬鞍岡在城南二十里許岡上多奇石一最高者

若據鞍狀蕭志

金雞嶺在城南十五里高三十丈相傳前有金雞

鳴故名同上

邁本嶺在城西南十五里自西南蜿蜒過東北後

峙一小峯一名了髻嶺為縣主山一統大清志

文筆嶺一名尖嶺一名李家嶺在城南四十里高

二百丈文明副使陳英築峯頂以拱縣庠故名蕭志

三嶺在城西南四十三里三峯脈絡相連

那危嶺在城西南六十里峯高百餘丈俱同上

石峽嶺在城西南六十里高六十餘丈海忠介祖

墓在焉縣志

烏蓋嶺一名居腰嶺在城東六十里跨居腰黃竹

二圖高三百丈頂上有泉不竭浮雲常蔽其上

與會同縣分界阮通志

牛象嶺在縣南五十餘里脈自烏蓋嶺來形如牛

眠故名採訪冊

清寧嶺一名九曲嶺在城西南七十里高五百餘

丈郝通志

白旗嶺舊名白石嶺亦名高山嶺在城西南一百

一十里高百丈相傳天陰雨則有白旗懸於上

蓋雲氣也蕭志

瓊州府志

卷四上 輿地 山川

二十一

新寨嶺一名雙竈嶺亦名了髻嶺在城西南一百

三十里高百餘丈元初曾立縣治於嶺下東為

坡塘嶺亦名鐘垂嶺

紗帽嶺在城南百五十里高十丈多藤蘿荆棘

石塘嶺在城南一百六十里高三百餘丈巔有巨

石泉流成塘

南牛嶺在城南一百八十里高三百餘丈遙連紗

帽嶺與樂會分界俱同上

南閭嶺在城西南二百里一名三尖嶺高千餘丈

連綿十餘里熟黎環居其下大清志

思河嶺在城西南三百三十里生黎居之山極高

峻黎人恃以爲險同上

黎母山卽光螺嶺在城西南三百八十里山極高常在雲霧中相傳雷破蛇卵中有一女居此誕生黎類遂爲黎母又云婺女星常降此故又名

黎婺山蕭志

大五指山在縣正南四百三十里思河都界其高際天其廣莫測五峯如指屹立瓊崖儋萬之間生黎盤踞其中郡之諸山皆其脈絡也同上

仙壇石在牛象嶺下豐樹闡村中平地一峯矗立高三四丈形如飛鳥舒翼頂平坦喬木暢茂明時嘗設祈雨壇於此其居人多壽探訪冊

瓊州府志

卷四

上 輿地 山川

二十二

川

橋頭溪一在城西一里建有利涉橋源出南珠田小水北流入建江一在城西南二十里發源文筆峯西流經巡崖會大江入海邑人王宸建橋曰永濟橋畔建文塔尙書王忠銘公居其旁縣志浦白江又名祿運河在城西七里源發南閭嶺經新寨畔北流入建江巡崖溪在城東八里發源文筆峯經縣南轉東北入建江

潭覽溪源出李家嶺流經潭覽村又北入建江通志市場溪在縣東一里源出南曲縣志

東溪卽東江在城東十二里源自烏蓋嶺北流經  
長渦渡入建江蕭志  
清潭在城北建江中相傳潭底有二石似龜又有  
五坭人縣令清則沙開成潭坭人可見貪污則  
沙淤人沒昔知縣吳定實羅昌馮時有廉聲御  
史潘季馴爲羅作清潭碑記知縣李傳春作亭  
鄭廷鵠有記

建江本名大江又名黎母江源出五指山江多大  
石不通舟楫流經臨高澄邁二縣境入縣界繞  
西北郭轉東北至瓊山縣爲南渡江至海口所  
入海元陞定安縣爲南建州因名建江

瓊州府志

卷四

上

輿地

山川

二十三

多河江又名思河在城南二百里源發大五指山  
東經樂會黎崙至本縣多河都名多河江流經  
會同縣合嘉積溪至樂會縣名萬全江由博敖

港入海

俱同上

烟雨潭在縣南五十里仙壇石下潭深十餘丈四  
周皆石底有一石狀如鼎山泉瀉入聲若瀑布  
天旱禱雨輒取潭水五日內甘霖必降探訪冊

龍塘井在龍塘村水清甘不涸一方利之縣志

砵井在潭覽村水甘美大旱弗竭蕭志

學井二一在齋內一在齋外味俱清冽教諭梁廷  
佐修砌之

蓮井在城東門外甘冽勝砵井暑冷寒温雖旱不涸俱同上

文昌縣

山

霞洞山與紫貝山對峙玉陽會紀詩云隔溪霞洞能舒眼卽此山也縣志

紫貝山在城南一里高六丈上有紫雲庵庵前有紫貝泉泉下有釣鰲磯大清一統志

鎮田山在縣治左上有真武樓縣志  
鳩坡山在城西南五里高十餘丈郝通志

瓊州府志

卷四

上 輿地 山川

二十四

五十丈林木青翠泉水清冽上有神壇遇旱禱雨輒應同上

雙合嶺在縣南十里前後兩山壁合縣志  
邁豆山在城南十里山有泉禱雨輒應舊傳有一

香爐飛來歲久榕根纏裹鄉人祀之爲神戴志  
奇嶺在城南十里與邁豆山對峙形如覆鐘阮志  
飛魚嶺在城南十五里山勢聯屬若貫魚同上

周方嶺在城西十五里山形方正若玉几然縣志  
靈山嶺在城西十五里縣志  
十志五里作三

禱雨多應蕭志

北皋山在縣東十餘里高二十餘丈山頂有雨壇

鄉人祈禱多應

縣志

蒼錫山在城西二十里

竹雞嶺在縣南三十里

周紫嶺在城南三十里山頂寬平土皆紫色

邁南嶺在城南三十里又名沙魚嶺

俱同上

鼓樓嶺在城西南三十里高十餘丈上有二石左

似牛右似龜鄉人禱雨輒應

蕭志

鼓磔嶺在縣南三十里形如柱礎

通志

南來嶺在縣南三十五里

同上

禁山嶺在城西南五十里山有神靈草木四時青

茂民禁不取

蕭志

瓊州府志

卷四

上

輿地

山川

二十五

澹邱在城東北五十里東昆港水之北邱狹而長

若埭者延亘六七里內一邱隆然深秀宋知軍

邢夢璜世居於此

阮通志

銅鼓山在城東六十里高十餘里山勢雄峻插天

西則壘石飛泉東則懸岩臨海番舶望影魂驚

山下有龍神廟相傳諸獠鑄銅爲大鼓置酒招

同類若仇讐相攻擊鼓諸獠雲集後瘞鼓於此

鄉人掘得因以名山方輿志又謂鼓爲馬伏波

征交阯所鑄

縣志

羅辰嶺在城南六十里

同上

白檀嶺在城西南六十里高六丈餘又二十里爲

八角嶺高二十餘丈山有八趾盤踞數十里先代築寨於此亦名八角寨阮通志

長侯嶺在縣東北九十里高三十餘丈上有大石叩之聲如鳴鈺北有鰲盤邱南有鷺鼓石探訪册

觀音山在縣東北九十里高三十餘丈上有風動石東爲蓮花峯西有桃子嶺

羅禮嶺在縣北一百里濱海有石羅列如人拱立俱同上

浮邱山在城東一百里屹立海中分潮水爲東西流俗呼分洲洋阮通志

海月峯在縣北百一十里高十餘丈縣志

瓊州府志

卷四

上 輿地 山川

二十六

東猺山在城東一百里其鄉之民如猿猺然猺婦紡績吉貝布縷細密瑩白謂之布籠阮通志

抱虎山在城東北一百二十里高百餘丈山狀如虎左右旋抱故名北爲虎村山南爲東猺山同上

紫帽山在縣北距抱虎山五里高三十餘丈東起三台峯掛榜山縣志

天塘嶺在縣西南一百二十里高三百餘丈中有瀑布泉流下成塘稍南爲紅石嶺蕭志

紅石嶺在縣南一百二十里山石磊落多紅色縣志焚艘山在城西北一百五十里近海岸周圍三里

漢樓船將軍楊僕征黎至此焚船登岸故名同上

七星山在城西北一百五十里瀕海高五百丈大小聯屬十餘峯數十里外視之止見七峯排列朗映青烟因以七星名東有七星泉即龍潭南有七星神祠明天啟時王宏誨建塔於嶺之巔  
榜曰斗柄塔採訪冊

大嶺在七星之南相距三里高與七星並背東面西形家指爲環抱郡垣非僅爲一方保障也

螭虎山

土名狗嶺

在縣北一百六十里山頂圓淨西

北懸巖臨海副使中大成巡洋見而異之因狀其形改名螭虎山并撰記勒碑於上俱同上

白嶼山在城北一百五十里舖前港海洋中四面

瓊州府志

卷四

上輿地山川

二十七

皆石中有沙隴遠望甚白一名白沙嶼蕭志

青嶼山在城北一百五十里調灘限頭之東去海

岸二里許一島屹立林木蒼翠同上

七洲洋山在縣東百餘里大海中七峯連峙與銅鼓山相屬俱有石門上有山下有泉航海者皆於此樵汲元劉深追宋端宗獲俞如圭於此縣志

川

文昌江在城南源二一自邁南嶺一自龍潭分流至縣前而合上有南橋太平橋東南流入清瀾

江蕭志

龍灣在城西南八里中有龍舌洲二名烏欖灣嘉

靖四十三年復起一洲相對又十二里爲黃棠灣水清而多魚同上

簸箕灣在多尋都遇旱網魚卽雨縣志

白芒溪在城西北十里源自瓊山界上流有蒞塘溪舊有橋曰白芒橋下十里至淮山渡橋繞縣北東南流入文昌江

龍塘溪在城西十里源自白檀藤竹經縣南橋會清瀾入海

黃竹溪在城南一十里採訪冊作四十一里

龍潭在城西三十里大旱不涸南爲石牛潭

東昆溪在城東三十里流經清瀾江入海

瓊州府志

卷四

上

輿地

山川

二十八

潭牛灘在城西北四十里上一洲中流卓立又上有十數墩相傳潭多怪異中有石牛激水聲震數里東流入藤橋溪

藤橋溪在城西北五十里東流入分水江

分水江在城北五十里西納藤橋溪北納黑溪左

黑右白合東南流經文教墟又西南流入清瀾江

清瀾江在城東南二十里合文昌江分水江諸水東南流入海

白延溪在城西南五十里發源白壇嶺流合南橋三江水在城西北一百二十里其源一出馮銀坡

一出水北都一出高墩會流六十餘里由舖前港入海

長歧港在城南五十里潮長成港退則沙坡竈戶沿岸煮鹽

陳村港在城東六十里潮長則可泊舟退則爲淺沙竈戶沿岸煮鹽

抱陵港在城東七十里源自銅鼓山又三十里爲赤水港郭婆港俱發源東猗山四十里爲抱虎

港源出抱虎山  
清瀾港在城東九十里

大澤澳在城東一百里青藍都銅鼓山東明海賊

瓊州府志

卷四

上 輿地 山川

二十九

倭番曾往來泊舟於此

銅鼓澳在銅鼓山下

石欄港一名北嶺灘又名木欄港在城北一百四十里港內亂石突出障水如欄中開三門故名

北峙澳在螭虎嶺西水深山峙可泊舟

新埠澳在七星山下

俱同上

舖前港在城西北一百五十里水自瓊山縣來納三江水入海商舶多集於此爲縣咽喉

通志

觀音井在城南紫貝山下其水清甘大旱不涸相

傳觀音像以汲水而得故名又名紫貝泉

縣志

學前井清冽味甘勝他井

靈泉在縣西北玉陽山麓泉湧不涸禱雨立應知  
縣馬日炳有碑記

老人井在縣東三十餘里青一圖井底砥平泉從  
石罅湧出味清甘旱不涸

海通泉在縣北三十餘里里老韓溪尾鑿旱不涸  
汲者時得海物蓋與海通也故名

鷗村沙井在縣南三十里深不踰尺廣不盈丈味  
勝諸井不以潦旱增減居民賴之

南園石井在鷗村井北五里天生自然深三尺圓  
如釜泉從石罅湧出

溫泉一名鹽水池在城南三十五里周百餘步冬  
三十

瓊州府志

卷四

上

輿地

山川

三十

夏常溫水浮草上晒之成鹽流經長歧港入海  
地福塘在縣東四十里青三圖廣二里袤三里水  
皆東流經水尾廟前入海塘上有墩鄉人設壇  
其上禱雨立應

紫石井在縣東四十里井底紫石如仰盂旱不竭  
牛路窟在縣東五十里上建雨壇禱雨立應

仰高泉在東瓜市西中有石竇數處泉噴起常溫  
上俱同

魚爺井在城西五十里那郭都水極清相傳泉與  
海通中有巨魚頭白俗呼魚爺

蕭志

石櫃井在城北五十里南溪都抱羅山一石如櫃

旁皆石巖舊傳其泉與海通

同上

榕井在縣治西何恭都四圍石片生成下廣丈餘

天陰羣魚激水而鳴旱不涸井上有榕故名

縣志

月邊塘在縣北八十里犢一圖泉湧不竭

五靈井在縣東北九十里逢旱人多往汲

清心井在縣東北九十里深二尺許泉湧不涸味

清甘知縣郭象升過飲名曰清心

高頭井在縣北百二十里南五圖衆村常汲不涸

廖公堤在南溪都縣丞廖義寬築障海水使不入

田道光十一年邑紳謝信垂等募修

俱同上

石鼓井在城北一百五十里林鉄村田中六石環

瓊州府志

卷四

上 輿地 山川

三十一

起宛若砌成徑六尺許狀如鼓泉清淺可掬夏

冷冬温大旱不涸

蕭志

七星泉在縣北七星嶺東土名龍潛潭深無底累

次龍從潭起土人於風雨騰沸中髣髴見之每

值龍起潭亦增廣數十畝云遇旱禱雨多應

同上

會同縣

山

端山在縣治北高丈餘北城跨其上

郝志 通

南塘山在城南一里拱向文廟明時改名玉几案

一 大清志

瀚塘山在城西北五里高二丈許

郝志 通

望縣嶺在城東五里文昌官路經此可望縣城故名縣志

戊子嶺在城東五里端趙都

西村嶺在城西北五里端趙都

山樵嶺在城東五里陟巔東望滄海渺茫

黎竹山在城東六里端趙都

雞裊嶺在城南十里積善都俱同上

馬嶺在城東十里高二十餘丈山勢如馬蕭志

白鶴嶺在城北十五里高十餘丈西連西嶺村阮通

志

何魯嶺在城東二十里高五丈許突起高峯東有

瓊州府志

卷四

上 輿地 山川

三十二

石巖登之可望大海名曰山海奇觀洞廣東輿圖

文囂嶺在城東北二十里高二十餘丈郝通志

報捷山在縣南二十里又名大石埠縣西北諸水

經此出溪口有石數枚狀如遊魚相傳邑有獲

雋者水石相激聲聞數里縣志

土城嶺在城東南二十里相傳前朝曾立城於此

今微有遺址

韜甲山在城東二十里高二丈餘下有池深數丈

廣里許泉湧澄清

多異嶺在城東南二十里高百餘丈數山相連中

多怪石奇巖上有井遇旱禱雨多應

水尾山在城北二十里高十餘丈連貫七山又名  
七星嶺

大水嶺在城東二十里太平都

何知嶺在城南二十里積善都

偷桃嶺在城西二十里積善都

木寨山在城北三十里嘉會都

梅嶺在城北三十里嘉會都

嶺飛嶺在城東三十里相傳上有仙人洞俱同上

西崖嶺在城西北三十里高十餘丈爲縣主山阮通

志

山雞山在城東三十里高十餘丈地沃可種檳榔

瓊州府志

卷四

上

輿地

山川

三十三

鍾祿山在城西北三十里高十餘丈與定安接壤

又名小祿山其下澗水出焉俱同上

青晚山在縣北三十里路通文昌定安大清一統志

水滴嶺在城北四十里上有大石水滴瀝可灌田

亢旱不涸

縣志

佛子嶺在城東南四十里山勢高峻俯臨大海蕭志

天塘嶺在城西南一百二十里有瀑布飛泉下流

成塘流出縣界大清一統志

浮鴨墩在城北四里溪中廣數尺高不及田堤水

漲墩頂不沒若浮鴨然縣志

大奇石在城西南十里高三丈周圍六丈蕭志

風動石在多異嶺形如卵濶可丈許盤石盛之人不能移風噓之竟動縣志

海潮巖在多異嶺廣百餘步高約數十丈空曠若室可容數十人東望海潮水天一色

應聲石在城東二十里二石層疊高數丈許人對之笑語皆隨聲響應故名

五星石在城西二十里許五方壁立狀如五星

印箱石在城東二十里塘邊於數十里平沙中突起一石高不逾丈廣不過圍上圓下方極其秀

雅俱同上

川

瓊州府志

卷四

上 輿地 山川

三十四

大塘水在城南門外寬四里許中產蓮舊傳源出

黎山分流瀦爲巨塘水旱不竭阮通志

漓盆溪在城北五里源出定安烏蓋嶺屈曲流至

縣北轉西南入樂會縣萬泉河

水頭溪在城西北十里源自白鶴山南流入漓盆

溪

嘉積溪亦名南瀚溪在城西北十□五里源自定安

石塘嶺東南流至嘉積都入樂會萬泉河俱同上

黎曹溪在縣西北二十里永安都源出石牛村與

白鶴溪合流探訪冊

龍角溪在縣西二十里永安都源出定安與樂會

大溪合流

合水溪在縣東二十里太平都二水合流一清一

濁俱同

天塘溪在城東北二十五里源出文昌天塘嶺流

入漓盆溪阮通

留古溪在縣西三十里積善都源出定安山澗流

合樂會大河縣志

港門港舊名調懶港在城東南三十里何魯嶺水

從此出潮長堪泊舟潮退則為淺沙竈戶煮鹽

其傍蕭志

鬼顛港在城東三十里源出多異嶺小澗合潮成

瓊州府志

卷四上 輿地 山川

三十五

港縣志

望白港在城東四十里太平都同上

歐村港在城東北四十里源自文昌白檀嶺東南

流至此入海一統志 山雞山有水從港出港口有

歐村墩黃通志

温洋溪在縣東四十五里太平都源出黎竹山經

南蛇塘與大水嶺溝合流探訪冊

大橋溪在縣東四十里太平都至歐村港入海

馮家港在城東北七十里港門曲折外多巨石

斗牛埠在太平都近調懶

港門埠在太平都近斗牛埠

草塘埠在太平都港門上俱同

學宮并在敬一亭東知縣戴捐訓導梁英裘鑿蕭志

天星井在永安都祈雨多應

多異井在太平都多異嶺祈雨多應俱同

樂會縣

山

陰陽山平坡突起周廣七里山形奇偶相生土石

相半萬泉流馬二水環抱即今縣治寰宇記云

在縣境內時未遷縣故也阮通志

雷撲山在城東二里萬全河之南對峙者為印山

大清志一統 小阜高不及二丈相傳雷擊其巖故

瓊州府志

卷四 上 輿地 山川

三十六

名郝通志

印山又名應山在城西北二里萬全河中流屹立

周遭有沙護之水漲若浮印然阮通志

掛榜山在城東二里高三十丈橫亘數里形如掛

榜蕭志

香爐山又名南山在城南三里高二十餘丈峯巒

聳秀狀若香爐縣治學宮皆向之同上

廟山嶺在縣西三里高六丈餘峯巒挺秀鄉人多

於此設壇禱雨縣志

龍磨邱在城西三里平地突起石邱廣丈餘可容

數十人俗傳龍磨角其上

虬潭嶺在縣東七里脈自掛榜山蜿蜒東行特起  
三峯與汀洲對峙

汀洲嶺在城東八里大河中高五丈旁有蓮花峯  
對峙石盤疊出水面如蓮花然木石交翠可愛  
邁州嶺在城西北八里高二十五丈嶺起五峯俗  
謂之五魁案下有廟山嶺俱同上

加峯嶺在城北八里高十餘丈

蕭志

官園嶺在縣南八里狀如椅近南卽官路

縣志

大嶺在縣北九里平地突起巨峯

石母灣嶺在縣西北十里高十餘丈下有深灣

三山神嶺在城東南十二里高四十餘丈上有泉

瓊州府志

卷四

上

輿地 山川

三十七

曰金牛井四時不竭旱禱輒應

博敖嶺在城東北十五里高十餘丈

金牛嶺在城東南十五里聳峻凌霄海舶望之以

識方隅山北屬樂會山南屬萬州故萬州亦載

此嶺俱同上

聖石峯在博敖港高十餘丈屹峙港門相傳古時  
海濤洶湧沙磧逼隘或南或北迄無定所海舟  
常有覆溺之患宋天聖間其石突見故名大清

一統志

北偏嶺通志謂之嶺在城西北十八里高十五丈狀

若龍首山脊半里皆黑石峻嶒若龍鱗然黎盆

水前遶之下有北偏村又名龍見石蕭志

探花嶺在縣西十餘里脈發白石嶺峯巒圓如覆

釜縣志

石門嶺在城西三十五里高十餘丈兩石夾峙望

之如門同上

白石嶺在城西四十里高千丈峯頂有巨石色蒼

白形狀各異東如伏虎西如蹲犀南如筆架北

如竹筍上有田數畝可耕中有巖峒極幽邃可

容數十人又西二十里爲油麻嶺蕭志

石龍嶺在縣西四十里與黃土烏蓋諸峯聯絡若

貫珠然縣志

瓊州府志

卷四

上

輿地

山川

三十八

西岸嶺在城西北四十二里高二十餘丈林木陰

森蕭志

三道嶺在城西北五十餘里自定安紗帽嶺逶迤  
而來突起三峯狀如盤龍

風門嶺在城西南七十里高百餘丈有瀑布懸流

旱久聞聲響則雨山跨萬州樂會界爲諸黎出

入咽喉之地俱同上

油麻嶺在縣西七十里脈發黎婺山縣志

山心嶺在縣西白石鄉脈自油麻嶺絡繹橫亘三

峯聳峙

龍巖嶺在縣西百里高數十仞巔有石池水深不

可測旁有巖洞若室清曠幽雅人號曰通天洞  
雙髻嶺在城西一百二十里兩峯插天如雙髻然  
又名黎母嶺俱同上

縱橫嶺在城西二百四十里高插雲霄橫亘甚廣

黎人所居

廣東輿圖

脈自五指山峯巒險阻溫泉河

出此

大清一統志

川

嘉濂小河在城南十五里岸側有溫泉又名溫泉  
河其源自西黎峒中東流至金牛嶺下合萬州  
龍滾水自博敖港入海蕭

博敖港在城東十五里合萬泉流馬諸水出海岸

瓊州府志

卷四

上

輿地

山川

三十九

有聖石又有三江廟宋時建

萬泉河在城西北二十五里源出五指山北接定  
安多河江及會同瀇盆嘉積溪諸水流至縣西  
分南北二支一繞縣北仍名萬泉河一繞縣南  
別名流馬河亦名南門河至縣東北雷撲山下  
復合流至博敖港入海俱同上

流馬河在城南流自東北由撲石合萬泉水滙爲

縣南通津卽今南門河

縣志

西門河在縣西門外乾隆初曾設稅館於此今流  
淺舟楫不通

北門河在縣北關外一里許

龍滾河在縣南二十五里發源萬州六連山合温泉達博敖港入海

上寨河源自五指山分流遶白石合萬泉入博敖港口瓊山諸邑往來通津王氏設渡於此

泮池在城內東街廣五十丈袤二十丈不假開鑿而成四時水皆澄碧人謂天然泮池學宮向之黃泥江在縣西七十里源自五指山通萬泉河入海

溪曲江在縣西七十里源自龍巖嶺通嘉濂溪至山尾入海

北偏溪在五水淵下溪有巨石俗名鍋蓋邑人建

瓊州府志

卷四

上

輿地

山川

四十

聯魁塔於其上

田頭溪在龍塘港上流旁有石山如壁邑人於其上建塔名曰文筆

停鳳塘在縣西四十里怪石層疊狀如龍鱗中有塘大小六口深丈許芰荷最盛

俱同上

學門井在泮池西泉從石出清而甘有碑題曰鳳

池翰泉

縣志

温泉有二一在城西三十里上北偏鄉泉如湯沸可瀾牲一在縣西五十里白石鄉

龍掘水在縣西二十五里兩岸高峯一水橫穿湧出深潭舊名雞籠塘崇禎三年有龍起於潭故

名龍堀俱同上

黎盆水在縣西北偏嶺下匯爲龍塘港達萬泉河

阮通志

萬年安井在泮池東南嘉慶十六年官民重修有

碑縣志

探花井在崇文鄉探花嶺南深不盈尺下生白沙

泉湧沙躍如花其味甘冽貯之半旬不少變

佳泉井在崇文鄉仙豸村東味甘美亢旱數村取

汲不竭

浴德井在干埔村旁有巨石一極平廠韋蒼盤題

曰道濟如許

瓊州府志

卷四

上

輿地

山川

四十一

香泉井在淳行鄉中原市西清甘不竭

接泉井在淳行鄉沙田村

紫荊井在順義鄉北偏村將雨井上石有流若汗

歲豐井中禾氣蒸出其旁有紫荊樹因名

沐龍神井在執禮鄉大校場坡井底皆白沙泉味

甘美較勝諸井井深廣僅尺許亢旱取汲不竭

邑令姬光璧題碑曰靈雨旣零

石龍井在嘉興屯烏石埔村

石盤井在白石鄉俱同上

臨高縣

山

落雲嶺在城西南十里一名寶墩高二十餘丈

志脈自那盆蜿蜒而來勢不甚高將雨則雲先

於此一統大清志

毘耶山在城西北十里縣志一作十里一名高山高五十

餘丈志通山頂有蟲狀似天蛇俚人呼為毘耶字寰

記縣北有毘耶山神每黎人叛則神驅蜂以禦

之官軍大破黎人輿地紀勝上有吞人石其神靈顯

縣令歲祀之黃通志外紀又云毘耶蟲名也作毘

耶聲謂之毘耶山多此蟲故名蕭志

龍嶺在城東十里自羅盆迤邐而東勢若游龍同上

特拔山在城北十五里毘耶分支一統大清志

瓊州府志

卷四上輿地山川

四十二

郎倫山在城南十六里高十餘丈下有郎倫村同上

灘神峒在城東南十九里邁龍村灘中聳一巨石

高廣二丈旁有穴昔人於石上築壇祈禱久旱

灘響必雨久雨灘響必晴黃通志

峩香山在城北二十里高聳入雲鄉人立營其上

以覘海寇一統大清志

那盆嶺縣志一作盆志在城南三十里脈自五指山來高

四十丈一峯高聳而圓狀如覆盆下有買愁村

宋胡銓謫崖過此有詩云北往常思聞喜縣南

來怕入買愁村廣東輿圖

羅喝川在城南六十里高二十餘丈蕭志

夏沙嶺在城東南六十里阮通志

卜姓嶺在城南八十里下有卜姓村同上

林司嶺在城南八十里蕭志

馬鞍嶺在城東八十里高五十餘丈形似馬鞍綿

亘數里界接澄邁又名秋陽嶺同上

武和山在城南百二十里口蠶村縣志

討論嶺在城南一百二十里同上

背腰嶺在城南一百四十里黎峒中高百餘丈周

四十餘里生黎皆背山腰而居故名阮通志

大江嶺在城東南一百八十里縣志作百 近生黎

地大江經其下故名有泉水流入江

瓊州府志

卷四上 輿地 山川

四十三

番豹山在城南黎峒中縣境諸黎皆以番豹山為

險路僅容一人俱同上

川

縣前江縣志作 舊名抱甲江發源背腰嶺遶縣從

西南轉東北合透灘水由百人頭灘達博舖港

入海蕭志

美龍灘在城東十里水自透灘至此合流從大石

上瀉下高數丈形如曳練下有潭深不可測灘

流合縣前江又潭旁有巨石可坐百人鄉人每

歲二月會此祭神同上

百人頭灘在城東北十里灘中巨石嵯峨水自縣

前江至此盤石激流聲聞數里北流會於博舖  
港入海本名百仞灘通志

烏石港在城北十五里蕭志

透灘水在城東南二十里源自那盆山出美龍港  
合縣前江達博舖港入海

硃碌港在城東二十里

博舖港在城東北二十里納縣前江透灘諸水至  
港口入海

博述港在城西北二十五里

龍潭在城西北三十里相傳曾有龍出其中旁有  
龍廟宋時建爲祈雨之所又名龍塘水溢流達

瓊州府志

卷四

上

輿地

山川

四十四

博白港入海俱同上

石牌港在城東北四十里舊名三家港東西約五

六里絕無風濤之險海寇多泊此爲患縣志

黃龍港在城西北四十里蕭志

博頓港在城西五十里水自儋州至此入海西岸  
屬儋州東屬臨高

呂灣港在城西五十里

博白港在城西北五十里源自西龍潭溢流入海  
新安港在城西北五十里

東黎江在城東南六十里源出澄邁白石嶺流經  
武隴等村復出澄邁伍關村合大江入海

馬裊港在城東北六十里水自那虞都經下水歷臨機長村達此入海

大江在城東南一百八十里源自五指山由縣境流入澄邁曰龍安江至定安曰建江至瓊山曰

南渡江

俱同上

公館前井在城西

蕭志在城東

原海南道廨舊址井深

尋丈汲者甚衆大旱不竭

縣志

麗澤井在儒學明倫堂右訓導羅啟相浚居民咸資汲飲

甘泉在城東北僅一武知縣樊庶捐浚以資居民汲飲

瓊州府志

卷四

上

輿地

山川

四十五

龍井在城西十五里昔傳有龍起其中因名汲之

不竭

俱同上

湧泉在縣西一里一名淨覽泉又名靈泉石泉三

孔湧出不竭

蕭志

那泥井一名牟尼井在城西三十里宋慶元丙辰

大旱諸水皆涸僧和靖指此地鑿之得泉大旱

不竭

澹庵泉在城西四十里宋胡銓謫崖時過此得泉

味極甘冽里人戴雄飛立石書澹庵泉三字郡

佐方世功記

冷熱泉在城西南一百里源自討論嶺水分冷熱

故名俱同

儋州

山

南皋山在州南十里高三丈平岡蒼翠可挹阮通

馬蝗山在州東二十里高二丈平岡蜿蜒形如馬

蝗同上俗傳漢時曾屯兵於此後人每掘得銅鉦

刁斗之屬地多鬼火陰晴出沒蓋古戰場也輿

地紀勝有黎郎岡在宜倫縣東三十里疑卽此

大清一統志

黎粉山在州東二十里高十丈土石潔白如粉蕭

凌霄山在州北二十里高五丈宋僧和靖蛻化處

瓊州府志

卷四上輿地山川

四十六

今爲凌霄福地郝通

松林嶺一名儋耳山又名藤山在州東北二十里

高約八十丈爲州主山舊多松樹峯頂圓聳土

石各五色蕭志上有博望臺下有石巖宋高僧和

靖仙人白玉蟾俱修煉於此阮通

黎毘山在州西北三十里高九丈與松林嶺斜峙

古有黎毘二姓居此故名土人因下有那細村

又名那細山蕭志

黎曉山在州西北四十里高二丈山勢向陽故

名黎曉其下居民多習儒又名德義山

龍門山在州北四十里高二丈海岸兩峯聳峙

狀如門可泊舟上有石窟外狹中廣虛空透風  
名曰風門可容數十人相傳昔有蛇潛其間化  
龍而去又名蛇虺穴

雙峯山在州東南五十里高五丈岡上兩峯對峙  
故名

獅子山在州西北五十里海濱一名神尖山高二十丈石峯狀類獅子上有貞利侯祠又一石在海中名獅子唇舟過必禱

那騫山在州東北六十里高二十丈

輔龍山在州東北六十里高二十丈宋丞相趙鼎南遷經此稱爲松林之輔山故名俗呼抱社嶺

瓊州府志

卷四

上

輿地

山川

四十七

落基山在州東六十里高二十餘丈熟黎居之

憑虛峒在州南八十里崇山峻嶺舊設土舍捍禦

今爲熟黎所居

俱同上

分高山在宜倫縣八十里

阮通志

昭山在宜倫縣

筆架山在州南一百里生黎界三峯聳峙常起雲

霧

透幕山在州東一百里高百餘丈熟黎居之外界  
卽生黎地

沙鍋嶺在州東南一百里生黎界形似覆釜極高  
峻上有池下有澗泉極甘美

七坊峒在州西南一百二十里崇山峻嶺舊設土舍捍禦今爲熟黎所居俱同上

川

倫江在城北門外義倫縣以倫水爲名發源黎母山續合諸水來繞城北西流十里爲大江至新英浦與新昌渡水合流復經洋浦入海阮通志

大江在州北一里發源黎母山至那騫山分二支一支名榕橋江西北流由頓積港入海一支西流經天角潭至黎粉山分而爲二繞流城北至龍潭復合又會東坡塘水由洋舖港入海有大江橋橋北有問漢亭宋時建胡銓命名蕭志

瓊州府志

卷四

上

輿地

山川

四十八

新昌江在州南十里源出黎峒經城南至新英港

會大江入海

俱同上

石牛潭在州東八里深不可測水中有石如牛

州通志

徐浦江在州南二十里發源黎峒流合新昌江入

海

蕭志

天角潭在州東二十五里其深莫測相傳明成化

間有龍起於此

同上

榕橋江在州東北三十里下至頓積港與潮合

州志

頓積港在州東北三十里

蕭志

新英港在州西三十五里知州羅傑築長堤於上以利涉者其北又有洋沛港

禾田港在州北四十里港東有田膏腴宜禾俱同上

莪漫港在州北四十里中有三十六泉潮長則巨

浸瀾漫潮退則清泉湧出大清志一統

田頭港在州西南四十里田頭村之西源出落賀

黎山流經田頭驛入海又十里為沙溝港又四

十里為煎茶港蕭志

黃沙港在州西北四十里又有南灘港漁利多資

於此同上

大村港在州西南八十里源出黎母山流經七坊

峒至大村分南北二港入海阮志通

大員港在州南一百二十里源自北黎村經此入

瓊州府志 卷四上 輿地 山川 四十九

海蕭志

小員港在城南二百里流經洋浦入於海

乳泉井在城東南隅天慶觀前宋蘇軾居此得泉

味甘色白如乳作乳泉賦俱同上

坡井在城西儒學署右東坡夜半與諸生王霄輩

攜瓢飲之味極甘美大旱不涸州志

相泉在州西十五里宋丞相趙鼎謫吉陽軍過此

遇旱渴甚鑿井得泉瀕海潮長則鹹退則清甘

後知軍事方汝運作亭於上匾曰明秀戴志通

清水池在州南隅舊植荷四時不絕有亭曰臨清

宋蘇軾有詩胡銓李光常遊之今廢蕭志

透嶺井在城西北十五里泉潔白如乳亢旱來汲者極十里之遙州志

滔泔井在城西與淪水通有人以竹置井中於淪水得之俚人呼竹爲滔泔故名寰宇記州有白馬

井唐咸通中命辛傳李趙四將部兵來滿灘船過海兵馬渴甚有白馬以足跑沙美泉湧出輿地

勝紀白馬井卽滔泔井也阮通白馬井在州西南

三十里世傳漢伏波將軍乘白馬至此跑沙得

泉因爲井鄉人於井上立廟祀之蕭志

羅懷井在州西北三十里州志

松臺井在州西三十里明正德間鄉人陳文澤鑿

瓊州府志

卷四

上輿地山川

五十

泉清澈底雖極旱湧出濟人同上

城南池在州南通志

五星池在州城內東隅一西隅一州治後一關廟

前一西北隅一州志

昌化縣

山

小豸嶺在城東五里高六十餘丈其形如豸其下

平曠土沃泉甘阮通志

大陳山在城西北十里狀如華蓋高五十餘丈昔

有大陳黎人居此因名東連三板山高四十丈

有石船石龍形甚奇險蕭志

象石在城東南十里高十餘丈石如牛形鷹嘴象鼻擊之其聲如磬旁有石鼓同上

峻靈山在城西北十里舊名神山高百餘丈上有二石如人形相傳有兄弟向海捕魚化爲石號兄弟石又有石若冠帽乃二兄弟所遺及石池石船乃其所遊乘者側有橘柚甘香云不可攜去攜去卽黑霧暴風駭人池中有魚亦然土人嘗於此祈禱東坡有記見藝文南漢封山神爲鎮海廣德王宋元豐五年封峻靈王下建峻靈祠

阮通志

舊志云峻靈山上有落膊岡一統大清志

馬嶺在城南三十里高五十餘丈形如馬蕭志三峯

瓊州府志

卷四

上

輿地山川

五十一

連聳延亘海濱形如天馬上有石鼓一統大清志

筆架山在城東北三十里三峯並峙如筆架高百

餘丈蕭志

九峯山在城東南六十里高百餘丈九峯峻聳盤旋百餘里相傳有黎婦生九子皆爲峒長故俗又名峩娘九峯山同上

川

昌江在城南十里源自五指山西北流會古鎮州水及九峯溪至縣東南居侯村分南北二支南江西流經赤坎村南出會潮成港名南崖江北江北流繞縣南又西流至烏泥浦會潮成港名

北港俱入於海

阮通志

沙洲港在城西二十里納北江水

蕭志

烏泥港在城西北二十餘里大潮可通海舟

英潮港在城西南二十五里

棋子灣在城西北三十里大陳山後海濱有小石

圓肖棋子灣上有淡泉自沙中湧出海舟常泊

此汲之

龍潭在城南三十里馬嶺東俗傳有龍伏其中旱

禱多應今塞

南港卽三家港在城西南四十五里納南江水又

有大員小員大村三港郡舊志編屬儋州以州

瓊州府志

卷四

上

輿地

山川

五十二

轄昌化而州界至昌江也

神泉在城北十里神山嶺下味甘冽烹茶可療疾

雖旱不竭

仙井在城東三十里鵝頭嶺下泉從石中湧出久

旱不涸

俱同上

崔公河昌城瀕海水鹹澁嘉靖八年指揮崔瀛率

軍民自城南五里開壙接昌江水導之順流而

西遶城達烏泥港入於海民利灌汲名曰崔公

河

縣志

萬州

山

東山在城東北二里高數十丈周六里餘上有巖  
宋人刻華封二字又有靈照巖維石巖七曲峒  
有磐石廣數十丈號補天石南峙一峯巨石上  
復疊一石西有石筍高三丈元監郡大都書攀  
鳳二字巖外刻珠崖第一山五字近大路二石  
削立如壁內有大巫峽小巫峽諸名勝明正德  
間州守徐忠建偕樂亭於旁又有魯亭黎順亭  
周公愛亭回山堂石林山堂祥雲講堂文宗堂  
貞烈祠及鄉賢祠蔡公祠入蜡祠萬曆三十四  
年進士梁必強創度仙橋可登絕頂百戶王鳳  
翔又建觀音堂蕭志

山尾嶺在城南四里下有二石壁立州志

山後嶺在城東南五里形如箕同上

銅鼓嶺在城西南八里昔有人掘得銅鼓故名平

地突起二峯祿蓋溪出此阮志 通

馮家嶺在城西南十里慶雲都州志

六峯山在城南十里有寺康熙間建同上

赤隴山在城東南十里高六丈餘又名赤龍山蕭志

把抱山州志 扶把在城東十里通志 五里高十餘丈形

如獅子

銅盤嶺在城西十里三峯突起勢極雄壯爲銅鼓  
來脈

劍門嶺在城西南十里峯勢如劍有石鑿凌雲山

三字俱同上

馬坡嶺在城西十二里形如覆鐘州志

荔枝嶺在城北十五里多輝都

橫嶺在城西十五里思馬都

大塘嶺在城東西二十里近海俱同上

南陵山在城西南二十里高十餘丈又十里為青

藤山上產青藤蕭志

高山嶺一名橫柵嶺在城西北二十里高百餘丈

巔有巨石旱禱之水滴即雨

小南山在城南二十五里上有普光巖梵天壇嘉

瓊州府志

卷四上 輿地 山川

五十四

靖間州守劉華禱雨入巖中刻同雲洞三字稍

東為保定嶺

龍標嶺在城南三十里形如覆釜為州學案山舊

名牛標嶺俱同上

翁墳嶺在城東南三十里上有石椅石船石龜州志

樟樹嶺一名新潭嶺在城東南三十里半在海中

峯勢峻嶒石上有人馬跡沙擁則歲豐痕見則

歲歉中有泉出極清冽前後有兩澳可泊舟蕭志

石牛坡在城北三十里上有石狀如牛相傳石牛

嘗夜食田禾人鞭擊之今痕尚在州志

獨洲山一名大洲嶺在城東南五十里海中峯勢

插天周圍六十里州治向之亦名榜山又名獨洲洋海舟多灣泊於此南番諸國進貢每視此

山爲準的

蕭志

馬鞍山在城西六十里兩峯對峙高插雲表爲州主山以狀肖馬鞍故名上有井極深中有魚蚌山多柑橘相傳上有彩雲見則州出科甲胡公銓改名雙華山

六連嶺在城北六十里六峯連續如旗爲州後障內有荒田麋鹿攸聚名鹿市又有石洞如屋可容數十人

俱同上

連枝嶺在城東北七十里五峯疊峙下有三石室

瓊州府志

卷四上

輿地 山川

五十五

大清  
一統志

南萬嶺在城西南八十里高峯聳拔遠接黎峒諸

山上產楠木南椰

蕭志

風門嶺在城北八十里兩旁石壁如門路經其中

空谷深邃與樂會縣分界

黃通志

金牛嶺在城東北一百里相傳有金牛常夜放光舟人每望見之上有井泉泉旁石有牛蹄跡與

樂會縣交界

同上

馬尖嶺在城西南百一十里

州志

尖嶺在城西北一百六十里接連有香根黎峒加

小黎峒禁山屯皆熟黎所居

郝通志

鷓鴣啼山在城西一百八十里熟黎居之界外卽生黎地脈自黎母山來山中多鷓鴣故名大清

志一統

喃嘜峒在城西北二百里生黎居之蕭志

獨珠山在南海中形如珠故名州志

七里墩在州後北門洋同上

川

金仙河在城北二里源出黎山流至州城西北十里坡塘溪分支爲四一經城北三里曰金仙河河畔石盤上有人馬跡葫蘆痕相傳交趾道士煉丹於此繞城由東山入周村港一經城北十

瓊州府志

卷四

上輿地山川

五十六

里曰石狗澗卽恒朗灘又名馮吳溪旁有石形如狗澗西高邱登之可望山海其水流入周村港一經城北二十里曰白石溪東流亦入周村港一經城北三十里曰蓮塘又名小渡港亦入周村港蕭志

陂都溪在城西北十里流經龍滾渡與海潮會爲陂都港

踢容河在城西十里源出南萬嶺東流至城西南三十里曰都封水至城西南十里分爲二支一從銅鼓嶺下經城南七里曰大溪水一名南渡溪又名三曲水東流合金仙河入周村港一經

小南山河東流由小海港入海

石龜河在城西十二里源出南萬卽踢容河上流  
河中有石形如龜水流冲激聲響如鳴鼓

周村港在城東十五里又名小海受金仙踢容諸  
水共入港門港

馮吳溪在城東北二十里源出橫柵東流入港

白石湖在城東二十里湖內有大盤石二方廣二  
丈許遊客多登臨之

南陵水在城西南二十里源出南陵山東北流入  
踢容河俱同上

東澳在城南二十里通陵水港客舟往來多經此

瓊州府志

卷四

上

輿地

山川

五十七

州志

前後澳在城東南二十餘里樟樹嶺下南爲前澳

北爲後澳

蕭志

小海港一名港門港在城東二十五里總納周村  
港所受諸水入海港門二石夾峙上有石神小

廟雖通舟楫地險難泊

南港在城東南三十里

通志作一百五十一里

南山河水道屈曲入海明嘉靖間洪水驟發自南  
山至保定直穿稅田成河知州林壘築堤導流

水始由舊名曰大官壩

俱同上

都封水在城西南三十里

州志

龍滾河在城北八十里源出六連山東北流經樂會境入博敖港蕭志

長沙海石塘海俱在城東外洋古志云萬州有千里長沙萬里石塘然俱在外海海舟觸沙立碎入港多無出者人不敢近莫稽其實同上

洗臉塘在城西一里人嘗於此洗臉故名州志

白水塘在城西南三里

清水塘在城北五里

龍滾塘在城南十五里相傳嘗有龍躍此

凹塘在城西五十里中有石狀如牛天將雨卽鳴後爲雷擊其耳角遂不復鳴今其旁更生小石

瓊州府志

卷四

上

輿地

山川

五十八

一形亦如牛

道前井水清冽各官署用之俱同上

水月堂井在城東東山下味異常水蕭志

鐵鑪井在城南濠邊士人所鑿

保抱井在城南七里石穴湧泉鄉人陳天祥琢石甃爲圓井常盈不涸

石井在城西北十里大旱不涸

有本泉在城東十二里東山石壁下元侍御史邱世傑偕書院山長劉復初遊其地題曰有本泉

熱湯泉通志作泉在城西四十里許平地中泉湧如

沸俱同上

陵水縣

山

獨秀山在城西南半里高八丈餘矗立如筆又名

文筆山

蕭志

筆架山在城南一里高十餘丈

南山在城南一里高十餘丈

博吉山在城東二里即大河嶺高三十餘丈下有

博吉水

俱同上

獅子山在城南四里即長水嶺高三十餘丈狀獅

子

縣志

木棉墩在城東五里大河分流墩峙其中為一縣

瓊州府志

卷四

上

輿地

山川

五十九

水口之鎮

蕭志

黎苗嶺在城南五里高十餘丈

靈山在城南十里一名多雲嶺早禱多應高二十

餘丈

週碌嶺在城東十里為水口關鎖上有神廟禱雨

多應高十餘丈

俱同上

九齡嶺在城東北十餘里脈發南峒嶺至此突起

數峯官道經其下

縣志

多艾嶺在城西南二十里脈發小五指山崔巍聳

翠為縣治祖山

同上

南邁嶺在城北二十里高二十餘丈

通志

九所嶺在城南二十餘里高插雲霄香藤多產其上縣志

南峒嶺在城東北二十餘里脈發五指山峯勢聳拔高插雲表同上

聲山在城東三十里人入山中作語虛谷應聲高五十餘丈蕭志

大小牛頭嶺在城東五十里臨海兩山對峙如牛角高三十餘丈一甚險峻名大牛嶺一稍平易名小牛嶺中產堅木明成化十年副使涂棐鑿石開徑萬曆四十六年修平之 國朝康熙二十四年知縣楊來鳳重修乾隆二十九年署縣

瓊州府志

卷四

上

輿地

山川

六十

陳均修治並建可中亭以憇行人縣志

赤嶺在城東南五十里同上

加攝嶼在縣東四十里加攝澗外大海中一島特

立舊爲萬州南山之界亦名分界嶼大清一統志

雙女嶼在縣東五十里大洋中兩山對峙如人周數十里上有淡水井商舟往來汲焉同上

後落嶺在城東南五十里海濱高三十餘丈蕭志

楊梅山在城東北五十里高二十餘丈地多產楊梅同上

紅鐵嶺在城北六十里脈發牛嶺縣志

九曲嶺在城東北八十里脈發紅鐵嶺同上

多碌嶺在城東北八十里高三十餘丈山勢崎嶇  
多石蕭志

大祿嶺在城東北八十里自第一尖嶺至此皆巉  
巖險峻中有萬陵往來要道甚崎嶇邑貢生王  
鳳元等捐修石路行人便之縣志

第一尖嶺在城東北九十里脈發青藤嶺上有巨  
石如印笏

青藤嶺在城北九十里脈發紅鐵嶺常產青藤故  
名

大灣嶺在城東北九十里脈自玉屏峯形如天馬  
元遷縣城於其麓舊址猶存

瓊州府志

卷四

上

輿地

山川

六十一

玉屏峯在城東北一百里脈發青藤嶺狀如屏  
圓大嶺又名尖峯在城東北一百里脈自玉屏峯  
山勢高插雲表

舊村嶺在城東北一百里中有路爲萬陵要道  
文筆峯在城東北一百里

席帽峯在城東北一百里宋時建博遼縣於峯下  
謝來嶺在城東北一百里相連有羊豪嶺與萬州  
接界俱同上

小五指山在城西一百里生黎峒中與崖州接界  
脈自五指山至此挺立數峯黎人環居其下下  
有溫郎嶺脚二峒明嘉靖中征黎嘗分奇兵出

此

大清  
一統志

獨秀石在城南一里石屹立如笋乾隆間知縣喻

寶忠刻隸書獨秀石三大字

縣志

鸚鵡石距城三十里大壩山麓形如鸚鵡歲旱禱

雨輒應

鐘鼓石在城西北鴨羅鄉高二丈餘扣之其聲

磬

石室在城東北橋山村石甚大中空若小室相傳

仙人藏經處上有名山石室四大字

蛇蛤石在城西六十里麻雜鄉數石蜿蜒相聯屬

狀如蛇又一石似蛤頭尾耳目逼肖

瓊州府志

卷四

上

輿地

山川

六十二

靈龜石在城東北一百里天寶寺前溪中溪漲石

如龜遊水上故名

俱同上

川

大河水在城北一里發源大五指山東流繞縣經

博吉山下至木棉墩由水口港入海又北一支

曰小水河

蕭志

龍潭在城北一里餘大河小河之間舊傳有龍起

因名

陵柵水卽大寨溝又名陵柵水在城北十里源自

南邁嶺東流至港坡港入海北十里曰巡司澗

又北十里曰南峒澗稍東爲田頭澗又有楊梅

澗俱發源於黎峒

水口港在城東十里爲縣水口所出旁有週碌嶺

港坡港在城東十五里俱同上

黎庵港在城東三十里淺隘多石船不能行港畔

設有營汎縣志

桐栖港在城南三十里一名鹹港又名南山頭港

明萬曆十七年海賊李茂黨入寇由此港副使

孫秉陽破之兩岸設有營汎砲臺通志

加攝河在城東北三十餘里源自黎山東南流入

海與潮消長行者乘潮退乃涉中有浮沙誤踐

之卽陷沒沙中蕭志

瓊州府志

卷四

上

輿地

山川

六十三

赤嶺港一名土堀墩在城南七十里港門狹小設

有汎兵防守縣志

舊陵水港在城東北九十里與萬州交界發源青

藤嶺至楊梅舖通潮成港舊陵水縣建此故名

阮通志

蓮塘有二在城北一十里久旱不涸縣志

卓仁塘在城南二十里蕭志

湧泉一名甘泉在南山所前

溫泉在城西北五十里俱同上

烏石澗在城東北五十里一名都籠水源出那亮

都黎山流入大海通志

崖州

山

馬鞍山在城北三里高二十丈又二里為豺狼嶺

高十餘丈又相連為遷拖嶺蕭志

遷拖嶺在城北五里東接落機北接郎萁西轉包

州治通志

郎蠻嶺在城西八里高十餘丈又西二里為大橫

嶺高二十餘丈下有路北入熟黎抱愠村通生

黎村峒同上

郎勇嶺在州東北八里明時曾建城於此舊址猶

存州志

瓊州府志

卷四

上

輿地

山川

六十四

方山在城東十里高八丈蕭志

南山在城南十里高二十丈枕海壁立為州屏障

元王世熙名曰鰲山上有萬仞泉泉出石穴清

冷可掬下又有桶井同上

香嶺一名添子嶺在城北十里與南山對峙州志

弔靴嶺在城西南十里高十五丈又五里為澄島

山高十餘丈蕭志

逸賢洞在城西北十里胡澹菴以其多水竹取竹

溪六逸竹林七賢之義名之有句云溪邊六逸

李太白林下七賢山巨源阮通志

石版山在城東南十里高十餘丈旁有橫石其平

如版宋知軍周鄭建亭其上今廢蕭志石盤山在

城東南十三里石平如掌非琢磨所能爲周圍

數丈可坐數十人林木茂密傍有澗水秋夏不

竭清冷甘冽可濯可飲周使君嘗至其處愛其

清絕伐木誅茅結亭其上曰清賞輿地紀勝

符敲嶺在城西二十里高二丈又西三十里爲

龍樓嶺高三十丈阮通志

試劍峯在城南二十里海濱山有巨石高二丈餘

宋毛奎題小洞天三字刻石上南有一石臨海

題曰釣臺東爲大洞天有石室題曰海山奇觀

旁有一石題曰仙梯下有靈應泉禱雨多應蕭志

瓊州府志

卷四

上輿地山川

六十五

落神嶺在城東南三十里高十八丈

高嶺在城西三十里山勢峻險

郎鳳嶺在城東五十里高峻如鳳翼稍東爲黎義

山俱高十餘丈

湍漏嶺在城東五十里高十餘丈下有湍漏村

長山在城東五十里高八丈餘相連爲饅頭嶺亦

高八丈餘俱同上

黎莪山在城東五十里上產莪草黃通志

報福嶺在城北八十里高七十餘丈遇旱土人望

有白雲卽雨又名靈山雨畢祭之因名同上

和尚石在城西八十里石形如僧雨後苔蘚青

綠如袈裟蕭志

雙洲門在城東八十里海中雙洲對峙狀如雨扉  
落筆峯在城東百餘里又名落筆峒高三十餘丈  
巉岼峻削中有石峒峒內有懸石擊之如磬高  
處一石門有二石如懸筆筆尖水滴不斷又一  
洞門內石如屏高十丈有竅通明又有井深不  
可測前人刻木爲誌沉井中後於大海得之  
迴風嶺在城東北一百二十里高五十餘丈下有  
溫水池又有喜思泉以颶風不過此嶺因名明  
成化初知州徐琦修路作記勒石宏治初副使  
陳委知州王鐸重修 國朝乾隆十九年知州

瓊州府志

卷四

上

輿地

山川

六十六

宋錦修治以利行人俱同上

湍西嶺在城東一百二十里高八丈餘又東十里

爲多民嶺高五十餘丈郝通志

落巖山在州西一百里望樓河中州志

鹿回頭山在城東一百四十里高二十餘丈上有

連珠寨宋土賊陳明甫據此爲窟蕭志

鸚鵡嘴山在城東一百八十里海濱與鹿回頭山

相連

大小玳瑁洲大洲在東海中小洲在西海中

北到嶺在城西北一百八十里高二十餘丈俱同上

玳瑁欄在州東南五十里海邊有巨石數十丈如

屋宋陳明甫鑿石爲欄以養玳瑁一統大清志

石蛇村在州東八十里石狀如蛇頭俗傳初爲荒

地峒首羅陳出獵聞犬吠視之見蛇頭將出以

箭插地禱曰此可村箭當筭三日視之果然又

埋竹實亦驗遂村焉阮通志

石龜在城北石如龜長一尋濶二丈有半旱蝗禱

之立應同上

川

澄清水在州治西海南道行署內清潔異衆水蕭志

大河水在城北三里一名大江一名水南河又名

寧遠水發源五指山流至城東北亞河分流一

瓊州府志

卷四上輿地山川

六十七

由東繞南門至西南保平港入海一由北繞城

西三里曰新地港又名抱漾水西二里直抵蕃

坊港入海其深莫測傳有潛龍云同上

後河水在州北二里即天河水分流達保平港入

海州志

新地港在州西三里同上

蝮蛇塘在城東三里相連有望天塘蕭志

望天塘在州東三里州志

熱水塘在城北三里周圍可二十步深可二尺許

水常熱又名溫泉蕭志

烏石塘在城南四里

藩坊港在城西五里俱同上

鐵爐港在州西五里保平村潮水出入州志

抱樣水在州西六里源自後河流經官道會潮水

往來同上

侯塘在城西北十里四面大山源流下潭出都陂

灌田通大山入海歲旱多禱於此阮通志

保平港在城西南十五里受大河水入海又五里

為大蚤港蕭志

龍棲港在州西五十里內有龍棲灣廣二里昔傳

有龍棲於此又西三十里為羅馬港抱歲港樂

羅港又西四十里為望樓港同上

瓊州府志

卷四上 輿地 山川

六十八

白沙港在城東六十里通遠巡司之側又白沙舖

西南有黎白港蓋即延德水也延德即今感恩

阮通志

抱拖水在城西六十里蕭志

石溪水在城西八十里東北山下清流湍急中有

石室石井石梯明成化間知州徐琦題記

抱橫塘在城西八十里

三亞水在城東一百里源出口齋嶺經三亞村東

南流由臨川港入海

龍塘在城東一百里流合大河水入海相傳曾有

龍出於此

畢潭港在城東一百里

澹水灣在城東一百一十里上有澹水泉名多銀

水上俱同

多銀水在州東一百一十里志州

温池水在迴風嶺下上同

番人塘在城西北一百二十里相傳外國番人船

覆於此志蕭

田尾港在城東一百二十里上同

臨川港在城東一百三十里舊名臨川水唐置臨

川縣蓋以此水名源自五指山分爲兩派前後

夾流經三亞村合三亞水入海後水產石蠃漁

瓊州府志

卷四

上輿地山川

六十九

人採之初軟出水堅如石前水產海鏡志阮通

三亞港又名臨川港在城東一百六十里受三亞

水入海北有榆林港志蕭

藤橋水在城東北二百里源出黎峒至合水港入

海相近有高沙港亦流合焉

高沙港在城東北二百里

合水港在城東北二百里受藤橋郎温椰根三水

入海上俱同

椰根水在州東二百里繞藤橋村合郎温水入海

志州

橘井在南山嶺下

萬仞泉在南山上清涼可愛

靈應泉在大洞天下泉從巨石中出清淡不竭旱

禱多應

喜思泉在迴風嶺下俱同

龍棲泉在龍棲港山下旱禱即應蕭志

溫泉在永寧鄉篋箒嶺下四時泉出常溫

濯纓泉在縣學前今廢俱同

感恩縣

山

九龍山在城東北八里西枕海濱漢初建縣治於

此遺址尚存大清一統志

瓊州府志

卷四上輿地山川

七十

大雅山在城東十里高百餘丈為縣治主山同上

息風山一名風洞在城東二十五里高百餘丈中

有巨穴最深黑暗莫測春夏之月穴中常出南

風猛烈如颶晨起暮息發輒數日禾稼多傷

人禱之即止阮通志俗又呼為葫蘆門謂北風自

此門而出南風至此門而息云採訪冊

天馬山在城南三十里高二十餘丈形如奔馬學

宮向之蕭志

透道嶺在城東北四十里高四十餘丈相傳昔有

人於嶺上修煉得道故名同上

南蛇嶺在縣東南四十里嶺有巨石赤色狀如南

蛇首北向周圍小石蛇環繞甚多因名縣志

黎虞山在城東五十里高百餘丈黎人常獵於此

故名蕭志

抱透巖在縣東北五十里巖在山頂寬廣如巨室

黎人常藏穀帛於此大清志

感勞山在城東北七十里高百餘丈相傳宋大軍

平黎駐此土人感其德而勞之故名蕭志

虞山石鼓在城東北七十里古鎮州廢城之東河

中石鼓圓六尺以小石擊之其聲如鼓旁五大

石有馬蹄人跡頂刻大元軍馬到此俗呼馬山明

成化中通判陳龍攜兵撫黎曾到此

瓊州府志

卷四上輿地 山川

七十一

魚鱗洲峒在城西北七十里海濱突起一峯高三

十丈石洞高下重疊如魚鱗故名

落纓嶺在城東北九十里高百丈道經其中山勢

險峻俱同上

砂鍋嶺在縣東一百里嶺中有石如門相傳入其

內甚寬敞棟柱梁桷悉備有非人工所能爲內

有石棋一局院中芭蕉數本里人或誤入者可

取食若挾之出則昏迷莫知所向擲之則醒好

事者有心尋覓終不得一至人因名之曰小桃

源縣志

鐘鼓巖在城東北一百二十里巖有石室倒懸石

毬聯絡不可悉數左右有穴秉炬而入僅容一人莫測其底行里許輒不敢前左右有石扣之一如鐘聲一如鼓韻故名蕭志

小黎母山卽峩茶嶺在城東二百里生黎峒中崖石崎嶇人跡罕到諸黎環居其下上有巨石刻大元軍馬下營旁小石刻至元三十一年正月十一日到瓊山相傳張宏範輩所爲也

仙槎石在城東十五里許長百餘丈廣數丈橫巨水面望之若浮槎俱同上

川

雨龍江通志作龍江源出小黎母山西流繞縣至城東

瓊州府志

卷四

上輿地山川

七十二

北五里曰感恩水隋以名縣今又名縣門港西流入海蕭志感恩縣有湍龍江一名縣門港兩岸皆巨石深不可測阮通志

城東河源從五指山來西流至縣城五十里自縣城至海二里採訪冊

溫冷池在城東十一里池方廣三丈餘水分兩派一溫一冷蕭志

板橋港卽石排灣在城西南二十里水中有巨石橫列同上

北溝港在城北二十里白港下海二里採訪冊

南湘江卽南港在城南三十里其源有二一自抱

淺黎山至抱漫村合流經南港鋪入海阮通志

小南港在城西北三十里蕭志

通天鋪河在城北三十五里山此下海三里採訪冊

迺澄江一名白沙河在城東南四十里發源黎峒

細流易淤必暴雨水漲始西奔入海蕭志

老馬井在城東北四十里飛來廟側為感恩第一

泉相傳馬伏波鑿故名縣志

白龍塘在城東七十里古鎮州南相傳昔有白龍

起此蕭志

溫湯泉在城北七十里其東即宋時鎮州地令為

黎人雜處旁有石城遺址名楊文廣壩廣東輿圖夏

瓊州府志

卷四

上輿地山川

七十三

寒冬溫有瘋疥瘡氣浴之即愈大清一統志

龍吟泉黎吟泉在感恩縣寰宇記

大南港在城北七十里今沙壅淤塞縣志

蠶村港在城南八十五里舊縣志作自港至海四

里採訪冊

北黎港在縣北九十里即昌化之南江北為黎界

曾設北黎營及墩縣志此港可泊舟商販皆貿易

於此採訪冊

黃麋溝在縣東一百里溝有石狀如麋頭角耳目

皆具三足正立一色曲而提起毛色斑斕溝名

以此黎人捕獵經此嘗禱之輒有神應縣志

冷飯溝在城南由紅水溝直貫入海探訪冊

嶺頭灣在冷飯溝之東南僭船往往到此捕魚

白沙港在嶺頭灣之東南廣高瓊文客船多在此  
裝載貨物

求雨村港在白沙港之東南由崖地繞過月村蛩

村青山村至求雨村後入海俱同上

雙溝灣在城南海濱嘗有漁船灣泊春來更多探訪冊

冊

瓊州府志卷之四下

輿地志七水利

瓊山縣

博冲河口在城東南五里水從南湖流出亦從大江而入明知府謝繼科塞之嗣水漲淹田邑民呈請開復縣志

南渭溪在縣南十六里源有二一自謝潭一自磨潭鄉人沿流築柵置車取水灌田

西湖一名頓崖潭溉田千頃在縣西十五里泉出石竇滙爲湖歲久泉廢好事者浚之名玉龍泉南湖在縣南五十里溉田百餘頃卽雷虎都西南

瓊州府志

卷四

下

輿地

水利

一

湖也

河口河在郡城東門外明宏治間知府張桓始開久淤國朝乾隆元年巡道潘思榘復疏鑿之灌田甚廣四十八年巡道德明置閘以資蓄洩

詳山川

亭塘在巖塘右二里許韋執誼十世孫奉訓大夫韋敬匡始開其後裔庠生韋孝等繼築成之成化間知縣梁昕復命其後人韋文貴修補高二丈五尺長百餘丈瀦水灌田雍正十三年韋廷獻重修併捐砌橋旁石路

南橋水道在縣城南門外源自西湖龍井合流至

南橋宋人浚河自攀丹達大江正統間攀丹人於兩岸築柵置車引水溉高田成化八年副使涂棐以南橋周相等訴稱橋內低田爲水車所壅遂除柵廢車自是攀丹苦無灌溉爭訟不已正德六年郡守王子成召兩造民謝傑陳堯明等議高下田兩便之法斷令每年以十一月二十日開通水道灌南橋低田待禾苗發生至次年二月初一日方許塞水置車其低田務要依期布種或上半年雨水泛溢則水車仍應開通永爲定規

濱壅圩岸在縣東南十八里自上那邕都達於頓

林都元至正間有司以民苦水患委前雷州學正張宜舉董築明洪武末復聞於朝委知縣陳永彰修之進士符銘作記成化間岸漸圯監生符蘭復上言副使涂棐委大使宋紀修之自用卽至邁元約有五里高二丈濶倍之宏治乙卯太守張桓命舉人梁繼策復修高濶視昔又加倍乾隆十一年知縣楊宗秉以里民吳承機等呈墟岸被人毀壞乃捐錢十千俾速修復諭令造水車不許橫截河流併不得蓄水養魚以致下流淹浸於是爭端永絕

博歷墟岸在縣東南二十五里洒塘都民築長一

百餘丈開渠引水灌田

博浪墟岸在縣東四十里演順都自博浪溪起二百餘丈宣德間主簿熊誌鄉人王賢嗣等修築後圯成化間知縣梁昕仍命得利之家增修今漸崩圯

塘心陂在縣東南十里顏村鄉人顏仲陽築長六尺濶一丈壅水灌田十餘頃

潭羅陂在大小英都源自抱皇山坡下湧出鄉人於上流築陂塘灌田十頃

東岸隄在下東岸都成化間知縣梁昕築

潭溪陂在縣東三十里小林都源自那庭田間流

出鄉人以石堵海潮引水溉田

巖塘陂在縣東南四十五里鄭都巖塘水自高山流出宋端平間鄉人於塘口築石高一丈六尺濶三丈八尺架橋砌陂爲堤堰延袤二百餘丈廣半之土名將軍陂水分爲二南流灌鄭暫遵麻等都田北流灌洒塘抱園大小等都田共數百頃其陂則官掌之各都設陂甲三十二名以供其役立陂長一名司之任水性分流不得擅利蓄洩

綠松隄在縣東三十里小林都源自靈山舊澗流出鄉人築土隄引水灌田

大潭陂在興政鄉陂開九閘隨旱澇開閉灌田七十餘頃

橋冲陂在烈樓都陂開七閘灌田六十頃

南賴陂在縣西南七十里邁別都源自石山流出鄉人築壩引水灌田

梁陳陂在梁陳都元時遭水決洪武中知縣陳永彰修築復圯正統間知縣朱憲砌以石高七尺長百餘步水源不竭民賴其利

東屯塘在蒼原都鄉人築岸灌田八十餘頃

圓山塘在圓山村前澗泉成塘鄉人築堤灌田十餘頃

潭宅塘水自雷虎都入作堤灌田百餘頃

南天塘在梁老都源自雷虎雲裔山流入鄉人置水車灌田十餘頃

潭鄧塘在西潭都洪武間鄉人置水閘塘變陸地成田數十頃

按黃氏通志載縣有水二曰陂亭南橋有墟岸三曰濱壅博厯博虎陂九曰塘心潭羅東岸潭溪巖塘綠松大潭橋冲南賴梁陳塘五曰東屯圓山譚宅南天潭鄧共灌田一千八百餘頃

度靈塘宋史河渠志開寶八年知瓊州李易上言

州南五里有度靈塘開修渠堤溉水田二百餘頃居民賴之

按今大來都響水橋下流至那梅都英吳橋上流有塘蓄水卽古度靈塘今英吳橋下亂石甚多不能蓄洩春苦旱夏苦潦水利久廢歲常歉收議者謂宜於英吳橋置閘以時啓閉姑識之以待後之識者

義豐堤閘元王濟翁水利碑略云其間義豐遵化豐好等處民田往因洪水衝決陵谷變遷難於稼穡後至元丁丑春諸田老以實聞於郡郡檄委前雷庠學正張宜舉董其役有田之民不期而至堤橋車閘修制有方七年始效獲水利者一十八處成熟田者千有餘頃

林村閘壩在縣東南五里頓林都鄉人斲石爲閘開渠引水灌田二十餘頃

博冲車壩在縣東南頓林都水自西湖流經響水橋英吳橋至博麻村入南渡江前人作壩車水溉田

五丈塘閘在縣西五原都水自洋浚南流至五原橋下鄉人每里築一陂名曰塘閘以時啓閉灌田甚廣

那洋陂在烈樓都水自南巖湧出成溪鄉人築陂

灌田五十頃

邁容車壩在縣東南八十里蘇尋都溪水自邁容流至戴塞十里許皆置車取水灌田千餘頃後樂圩岸長牽圩岸俱在豐華都萬曆乙巳地震田陷崇禎間御史李元衡募民於河口稍溢處運土堆石築兩岸高四丈長二十餘丈以捍海水得田百餘頃勒碑於岸

蒼茂圩岸在縣東南八里頓林都發源永都漑田八十餘頃嘉靖年屢修屢壞萬曆乙未知縣吳宗貞捐修丁酉副使胡芳桂知府李多見同知經仁木買石修築乙巳地震副使蔡夢說知府

瓊州府志

卷四

下

輿地 水利

六

倪凍復修康熙五十一年雷瓊道申大成知府林文英知縣王贄築滾壩啓三門架橋於上視水大小以時蓄洩極灌漑之利五圖農民皆賴焉立碑記之

本利渡在縣東七里上東岸都水經博冲河通海其田多水患歷經工築置車灌田

龍塘大橋在縣南二十里洒塘都內有田數百頃壩甚高間有小溝自橋達大河洪武初鄉人王佑王球等築堤置水車十以灌兩岸高田附近都圖俱得水利有碑記在橋邊

卜璧橋在縣西南六十里水自南湖滄浪流出瀟

天橋上築大堤灌田數十頃有碑記

金粟泉一名浮粟井明萬曆四十二年知府謝繼

科琢雙龍頭於井中泉從龍口湧出灌注於田

俱同上

官隆圖田溝距城六十里青草村明海瑞開水自

樂萬至鷄頭等處迤邐十餘里灌田甚廣舉人

王承烈有記

採訪冊

那夾塘在城西北四十五里烈樓都水自山澗湧

出成塘灌溉瓊澄二邑田數百頃

懸泉在城東南五十里近陶公山泉從山中湧出

味甚甘灌田數十里

瓊州府志

卷四

下

輿地 水利

七

水頭泉在水頭地四時常流聲如擊鼓久旱不涸

灌田數里

北讓井在城南十八里上那邕圖其井天然生成

泉甘冽上有神蹟旱禱多應溢流達渭溪灌田

甚廣

博洋橋水在城外源自山麓石澗出灌田數千頃

俱同上

澄邁縣

送甲陂在縣南六十里水自南黎都達黃竹坑入

曾家西都鄉人王逢築灌田五百餘畝元至正

間陳子胡作亂鄉人攻之文裔都陳存力戰死

賊遂棄甲而走故名縣志增

南濠陂在縣南六十里鄉人黃儂佛集衆築隄堰水灌田一方賴之

小水陂在縣西八十里南楚都源自舊湍渚上都流經於此鄉人堰水灌田

湍坑陂在縣南六十里曾家西都水自南庄山流出鄉人於泥湍湍坑後陂魚梁四處築陂灌田千畝

祥塘在縣東十里舊豐盈都源自那夾村石澗流出至那曲轉達東水港宋時鄉人王伯威築隄堰水灌田元至正間里人陳武敵用石版修砌

瓊州府志

卷四

下

輿地 水利

八

勒碑於上明正德間鄉人陳政修築爲塘邑紳鄭稽爲記

龍塘在縣南七十里祿樓一作梅統志村相傳龍見於此故名水常青色其流資灌溉

西洋溝又名汎田在新安都源有二一自高山麓一自油麻山合流入大江灌田數千畝大旱不竭

潭澇泉在縣西十二里石坎中流出四時不竭溉田二千餘畝

湍墩溝在城西南八十里保義正都灌湍墩洋等處田

頭燃溝在城東六里康熙六十一年鑿灌那留等田

深堀濱在城南六十里原灌產坡五洋田數千頃因嶺崩沙壅田荒乾隆二十年鄉人捐修砌以石廣二尺長二十餘丈

博市泉在舊多稔都源出大勝嶺石坎中灌田數十畝俱同上

### 定安縣

潭覽溪在縣東南五里一名巡崖溪源出李家嶺流經潭覽村鄉人作壩車水溉田五頃縣志

白沙溪在縣東七里源出白旗嶺流經白沙村灌

## 瓊州府志

### 卷四

下

輿地 水利

九

### 田四頃

浮南溪距城一里南雷村鄉人築隄溉田二頃市場溪在縣東一里源出南田卽潭覽白沙下流溉田二百餘頃

買釵溪

一作統志  
買抄

在縣東九里源出白沙岡流經買釵村舊淤明成化甲辰乙巳間大雨水湧沙開

### 溉田三頃餘

城邊溪在南閭都溉田二十頃母粗溝在城東一里溉田百畝

滔淪泉在縣東南黃竹都上筒村溉田四頃大井泉在縣東南溉田三頃

清源井在縣東南石岸壁立泉湧其下溉田三頃  
石塘泉在石豆都溉田頃餘  
水出泉水井泉俱在黃泥都各溉田二頃  
黎二寨泉在新寨溉田二頃餘  
清水塘在石豆都溉田二頃餘  
噴珠井在新三圖雲棲寺前深二尺許其泉湧出  
如珠聯貫浮起隱隱有聲溢流灌芋田數百畝  
響井在居腰佳龍嶺麓其泉自石罅出錚鏦有聲  
味甘冽雖旱不涸灌田數十畝  
仙泉井在仙坡村前深二尺許泉甘與郡浮粟泉  
無異溢流灌田數十畝

漱玉井在南資圖水出村泉味清甘四時不涸亢  
旱時數里外皆取汲焉溢流灌田數頃邑人王  
懋曾有碑銘

惠液泉在南資圖山產村味甘冽可飲亦以灌田  
民利賴之邑人王懋曾有碑銘

下灘潭在黃竹圖山地村源出狐狸市至此成潭  
潭旁石壁數十仞惟南面無石水如瀑布自石  
巔下聲如雷流經博敖港入海沿流灌田甚廣  
定會之民咸利賴之

俱同上

文昌縣

牛路楊梅堤在縣西南郊外明萬曆四十五年築

城外北帝廟旁地卑窪知縣葉可行倡捐買田築隄開溝土乃可耕縣志

湓塘陂在縣西三十里北山都鄉人築隄灌田一百五十餘畝今廢探訪冊

白延陂在何恭都灌田百餘畝

潭牛陂在何恭都灌田百餘畝

蔡家陂在何恭都灌田百餘畝

流沙壩在多尋都灌田百餘畝

廖公陂在南溪都障海水使不入田縣丞廖義寬築

巨坑陂在南溪三圖知府胡一用築

瓊州府志

卷四

下

輿地 水利

十一

沙港大堤在縣西南四十里例貢林運鈺築袤長十里灌田數百畝

衙前堤在縣南五里乾隆四十八年歲貢陳大欽築決水灌田四千餘畝俱同上

會同縣

苦棟堤在縣東二十里太平都鄉民修築旁有苦

棟墩故名縣志

西關堤在縣西門外明萬曆癸卯知縣盧章修築長五十丈濶一丈五尺尙書王宏誨有記

端趙堤在縣西一里端趙都明成化七年鄉民修築長二丈餘東西灌田五頃

牛浸水堤在縣西北二十里永安都明成化元年鄉民修築長四丈灌田四頃餘

黎毬堤在縣北五里端趙都明天順六年鄉民修築長二丈許灌田四頃

嘉會堤在縣北二十五里嘉會都陳鐵埔村明天順三年鄉民修築長三丈餘灌田二頃餘

軒村橋通志橋作溪在縣東三十里太平都鄉人築隄溉東西兩岸田數十頃俱同上

文塘在縣南源出黎母山支流至此瀦爲巨塘資以灌溉方輿紀要

溫泉在縣西三十里如湯沸鄉人壅以灌田一統志

瓊州府志

卷四

下

輿地

水利

十二

半月塘在太平白銀樹村前廣袤數十丈極旱不

涸灌田數十畝探訪冊

樂會縣

鷄通志雄陂在縣東南十五里溉田數十頃明初

築閘壩以爲外捍正統五年知縣曹梅修之今

潰縣志

買甲陂在縣南二十里一名桃黎陂水從龍塘溝

來明正統七年知縣莫卿修築瀦水溉田數十

頃嘉靖二十六年鄉民馮鍾鳴修築

密澤陂一名蓮陂在縣南二十里近龍滾河鹹水

從港而入農人苦之明初峒首王官泰集衆築

壩又墾荒原數頃旱則引水灌之嘉靖三十一年修築

光嶺陂在縣東南十二里秉信鄉北岸洋田受薄  
芎港潮或海溢多害稼明正德間舉人何鍾築  
隄捍之并蓄水灌漑今潰

烏陂塘在縣南十里源自萬州界陵流山來注而  
成塘鄉人築隄漑田千畝元末圯明洪武庚戌  
知縣黃思恭正德丙子知縣嚴祚相繼修

龍掘塘在縣西北十五里周二百丈深約丈許泉  
自嶺上石中出灌田甚廣

青塘在縣南二里下小鄉今變爲朗田

江水塘在縣北二里莫七鄉

亭子塘在縣東三里莫七鄉先時瀦水漑田明天  
啓間奉文升科變價今爲民田

阿界塘在縣東七里中珠鄉

新村塘在縣東八里中珠鄉

南堀塘在縣西北十八里下北鄉

山陂塘距縣五里

白水塘在縣西八里下大鄉今爲田

涇塘在縣西十五里廣數畝深丈餘羣魚聚焉人  
謂之魚宅

三更塘在縣西北十五里周里許民資灌漑

塘口塘在縣北八里執禮鄉

冠帶河在順義鄉定會二邑有五水聚此達龍塘

港蔭田甚廣一鄉利賴

牛橋塘在縣西北十八里流出南堀

南面塘在縣西九里執禮鄉

山坡塘在縣南五里淳行鄉

佳泉塘在縣西十里仙豸村東

討村塘在縣北十里中珠鄉

龍諭塘在縣西五十里崇文鄉

嶺頭塘在縣北八里中珠鄉

龍潢塘在縣南十里尙忠鄉周圍皆山中滙爲巨

浸以源自龍崛故名明知縣王思恭築永樂成

化宏治間相繼重修至今瀦水不涸

田浦塘在縣西八里崇文鄉壅水可資灌溉旱則

桔槔取之復盈

山田塘在縣西五里廣百餘丈雖旱不涸溉田頗

廣

石井塘在縣西十三里淳行鄉兩岸山石相夾狀

如井四時不涸

石塘在縣西二十里白石鄉方廣十丈中有巨石

盤其下旱澇隨時蓄洩民利賴之

□頭塘牛潦塘在縣西五十餘里歐村西

總塘在縣西南十里三面阻山淵深不涸

辛未塘在縣西二十里相傳宋辛未年大水衝成

大旱源源不竭附近有參古塘其水亦資灌溉

仙豸門口塘在縣西十餘里崇文鄉冬夏泉湧不

涸明嘉靖時曾產並蒂蓮

薄芴澗陂在縣東南十五里明正德間知縣嚴祚

督修灌土峒田數百頃俱同上

溫泉在縣西三十里鄉人壅以灌田一統志

臨高縣

霖泉在縣南十里俗名黑水白石竇湧出溉田千

頃縣志

文瀾河在城南源出五指山繞城東經百仞灘與

迎恩溪合流入海其水可資灌溉採訪冊

迎恩橋水在城東十里源出透灘達百仞灘與文

瀾河合流附近田畝皆資灌溉同上

龍潭在縣西三十里曰西村潭廣八十餘畝甚旱

不竭灌田數十頃縣志

禾新陂在城西十里縣郭都源自毘耶東流至此

鄉人築堤灌田五頃餘雖旱不竭

和隆陂在城南十里曰蠶村繞流阡陌間潺湲不

涸與霖泉滙鄉人築堤取水灌田十餘頃

湧泉在城西郊泉自道旁湧出清冽異他水溢流

而東漑田數十畝舊名潭覽明知縣陳址立碑  
更名後建觀音堂於其上俗呼爲觀音井

澹菴泉在縣西五十里水可灌田

俱同上

朝陽橋泉在縣東二十里源自東田分流石牌  
港

稼瑞橋水舊名下水在縣東四十里源自羅洋嶺  
溢流出新安港

按縣志云朝陽橋水自東流出石碑港三十  
里滙灘水達迎恩橋出百仞灘二十里稼瑞  
橋源自育賢嶺經長村出馬裊港四十五里  
皆灌漑田畝天然之利不假人力也

瓊州府志

卷四

下

輿地 水利

十六

儋州

大江陂源自沙鍋嶺蜿蜒百餘里歷長吳李許等  
都至州城北歷大英都入海沿江兩岸皆截流  
堰水爲車灌田四千頃名近江田明宣德七年  
州同知林洪分導二江去城二里許卽昌江渡  
迎恩橋是也

州志

小江陂水自零惟分流繞出東坡載酒堂至城東  
復接大江漑田百餘頃明成化九年知州羅傑  
督民修濬

水井泉在州東七里水源不竭灌田八十餘頃  
德義泉在州西四十里德義山下流接乾冲港灌

田五十餘頃

那細泉在州北四十里寒泉鬢發木石幽深郡人唐經維詩云地本居幽僻天教慰寂寥池無一畝廣泉有萬珠跳坐浴清心骨行吟厭市朝從今頻往返歸路不辭遙泉下灌田八十餘頃

瀟丹陂在州東二十里水自李許都馬皇山出元末水嘗泛溢酋長陳薦觀疏通洩於大江明正統二年宜倫縣丞何暉築陂以灌零春天堂等處田十餘頃道光七年歲旱源竭李許都與零春村爭水訟久不決十四年巡道張墉春勘定馬蝗山水聽李許都築陂灌田如有溢流陂外

瓊州府志

卷四

下

輿地 水利

十七

仍准零春等村灌溉若歲旱則專從大江築壩引水不得分馬蝗山水並令李許都助錢一百五十千文給零春等村生息爲築壩之費

按黃氏通志儋州有大江小江又泉三曰水井德義那細壩一曰瀟丹共溉田二千四百餘頃

榕橋陂在州東北三十里譚樂都沿江塞陂灌田百餘畝

東坡塘在州東二里東坡祠前灌田一百二十畝  
舊名瀟慶官田

顏塘在州西北四十里

木邱塘在州西北十五里

臨清塘在州西北二里俱資灌溉田畝

洞井在州西四十里山泉湧出與莪蔓三十六井

水相接灌田百餘畝

新村壩在州南十五里明成化間築堤灌田四百

餘頃

橋頭陂在州東通志作南二十里源自沙鍋接新昌

海沿江築堤灌田四百餘頃

楊市井在州北四十五里灌田八十餘畝

梅家井在州西四十里灌田二十畝俱同上

昌化縣

瓊州府志

卷四

下輿地水利

十八

崔公河在城南五里明嘉靖八年指揮崔瀛率民

開擴源自五指山流至縣東黎界入河口為昌

江其水甘淡兩岸田藉以灌溉縣志參採訪冊

居扶塘周三里深五尺縣志

萇村塘長一里深四尺

大塘長一里深一丈俱同上

赤坎河引水灌北岸南黎東西三都田甚廣採訪冊

杙根馬黃二塘在抱亦都灌田一千二百一十六

畝

居侯塘在英德都灌田三千一百七十六畝

錢大塘在北黎都灌田一千一百二十畝俱同上

萬州

普禮陂在州西北三十里後朗陂州西北五里艾

練陂州東八里蓮塘官陂州東北三十里志一統增

甜密溝在州南三里導南渡溪水灌田同上

踢容河其源有三船埠亦有三一曰龍飛埠源自

南萬嶺經竹窟等處溉田數頃一曰羅綾埠源

自馬尖嶺經雙溪等處至羅綾溉田數頃一曰

檳榔栽埠源自長沙嶺經南瀆大甕溉田數頃

河水東南曲折復合北至扶抱東至港邊設陂

溉田三百餘畝東入小海河中連車壩五十餘

所溉田五百餘畝州志

洪口溪在州西九里元大德二年萬寧縣民吳顯

昌捨田爲溪躬任開鑿知萬安軍賀賈捐俸助

之洪口既通導水東流至於小海沿流計設陂

十三所溝十八條明末陂溝俱塞州人吳時行

重修 國朝康熙三十八年水利使吳孔惠復

捐貲重修

第一陂曰上橫柵溝一溉田四百畝

第二陂曰上橫柵舊志曰蔣官陂溝二一曰學前

溝明崇正間塞鄉民捐修復溉南門洋田 國

朝康熙三十八年水利使吳孔惠復鑿之通東

關洋吳村仔溉田千畝一曰吳家溝溉東山洋

田千畝

第三陂在祿保扶溝一通艾繚漑田八百六十畝

第四陂在後洋坡溝二通三家上下二村漑田千六百餘畝

第五陂在小蒙溝一漑田三百畝又五陂同在小蒙亦有一溝通黃黎鄉漑田六百畝

第六陂在三家溝一通大蒙洋漑田四百六十畝

第七陂在東坡溝二一至墩山洋一至溪口洋漑田共六百畝

第八陂在後排溝一至南排前分爲二南至扶抱前北至坡仔洋共漑田五百六十畝

瓊州府志

卷四

下

輿地

水利

二十

第九陂在溪口溝一通保定洋漑田三百三十畝

第十陂在扶抱嶺東溝一漑田二百六十畝今被大河冲壞

第十一陂自第五陂分水至東山溪牛漏頭溝一漑田二百三十畝

第十二陂在北坡溝一漑田四百畝

第十三陂在新村溝一漑田四百三十畝溪內又有連車壩三十二所漑田三百畝陂坡十三段蓄土以備築陂

祿益溪在州西五里明州守譚進導石絡河水築陂車水漑各村田畝又自石絡開溝至銅鼓嶺

遇石中止 國朝康熙三十年生員蕭之淇復  
煨石鑿通漑南洋田利甚溥今銅鼓河設官陂  
民陂共五所祿益至大蒙有陂三溝三  
蒙陂在洋尾溝一漑田百餘畝

吳九陂在書田溝一漑田二百餘畝

檳榔村陂在大乳洋溝一漑田六百餘畝

新溪門賓麥陂在州南十五里明嘉靖間州人和  
州知州陳遜捐貲開賓麥河口導水漑明二懷  
一仁三三圖田千餘畝後被水冲塞遜孫靈巖  
重開築陂壅水裔孫陳鳳吉捐田十五工載差  
米六斗立花名陳河壩歲輸租以助守陂至今

瓊州府志

卷四

下

輿地 水利

二十一

賴之

以上洪口祿益新溪  
俱從踢容河導入

吳村渡河源自馬鞍山經赤岸多謀那合等陂州  
人馮天清開導囊溝引之經吳侯掘埗等陂東  
至吳村渡及馮村坡仔入於小海河中連車壩  
三百六十座漑田三百二十畝

掘埗陂卽洪漳水在宣義都明鄉人文子昌捐貲  
買田開築漑田五百餘畝

吳侯陂今名羅黨陂在州東十五里宣義都明鄉  
人文應宗築漑田四百畝

那合陂在州北二十里康熙六十年州民馮天清  
開溝三十餘條築大陂五座漑宣義通化二圖

十村田千餘畝

以上從吳村渡

大埂陂在州西五十五里源出山箬寨康熙五十二年鄉人吳應宗捐貲修築因地培土成溝連接十餘里六載功竣灌溉清明田五大埔計八百畝知州董鴻勳旌以匾東流至牛樂園入於河

埔尾溪仔在州西四十五里源出埔尾嶺溉田數十畝

流馬溪在州西二十里源出礮頭嶺溉田百餘畝深波溪在州西二十五里源出柴爨嶺康熙五十三年州歲貢王玠捐貲築長湫石盤陂二所又

瓊州府志

卷四

下

輿地

水利

二十一

越嶺腰開溝二溉田三百餘畝

黎岐溪在州西南三十里源自南望嶺東至打石坑陂一溉田數十頃又東至黎岐及爭來陂一

溉田

數十畝又北至石墓塘溉田數十畝

以上五溪

注皆小水俱容河

東山溪源自大礮來東至後朗陂溉田七十畝又漑踏車田百餘畝又東南至艾縵陂壅水至後山前溉田三百畝

南禮溪仔溉田百畝黃沙溪仔溉田二百畝俱在卑凹都

牛角溪在通化都溉田三十畝

加槽溪在黎興都漑田二百畝

白石溪在州東北二十五里一自小坡村河一自

高架溪流經壩頭村入港沿溪車陂三百七十

座漑田五百餘畝

蓮塘溪在州東北三十里源自大芒嶺東至蓮塘

官陂分爲二一至和樂漑田三百畝一至水涯

各村築壩堰水漑田四百畝

粟穗溪在州東北三十五里源出六連嶺漑田四

百餘畝

馬容溪在州東北四十里源出六連嶺灌田三百

餘畝

龍滾河源自烏鴉嶺東至龍滾復北流至南港漑

田四百餘畝

買山溝陂在州西七里漑田六十餘畝

坡頂溝陂在州北六里漑田百餘畝

金仙河在城北二里相傳昔有交阯道士號漫叟

結菴煉丹於此後仙去故俗又名仙河其水自

高橋來勢平而緩灌田數百畝

詳山川

周村下市溝在州東北十里漑田四十餘畝

烏石姆塘在州西三里漑田數畝

洗臉水塘在州西二里漑田五十畝

清水塘在州西北五里灌田數畝

胡家塘在州西一里灌田數畝

俱同上

### 陵水縣

溝頭壩在縣北二十里由小河黎山發源歲冬鄉民植木作壩導水由小溝南流經興調二圖灌

田二千餘畝

縣志 草

高亮壩距縣北一十里源出小河歲冬鄉人築壩灌田千餘畝

坡灣壩在縣北一十里源出小河朱黃鄧李四姓歲冬輪集各鄉農民築壩取水灌田數百畝

祿田壩在縣北二十里源出黎山嶺灌田數百畝大寨溝卽陵柵水在縣北十里源自南邁嶺達興

### 瓊州府志

#### 卷四

下

輿地 水利

二十四

一圖灌田百畝

雙坑嶺泉在縣北三十里發源黎山經南峒灌田百畝

巡司溝在縣北二十里發源黎山經南峒灌田一百畝

嶺黎馬李等村源出五指山灌田數百畝

九所嶺泉在縣南二十餘里瀑布下流久旱不涸灌田千餘畝

坑頭溝在縣東北九十里坡頭鄉源出第一尖嶺二水合流灌田千餘畝

三合坑泉在縣東北九十里東村源出大灣嶺三

水合流灌田數百畝

上坑泉在縣東北九十里新灣村源出圓大嶺灌田數百畝

龍所溝在縣東北一百里那亮鄉廣深不涸亢旱用車激水灌田數百畝

坑頭泉在縣東北一百里那亮鄉源自文筆席帽兩峯合流灌中心洋南排田數百畝

甘泉池在縣東北一百里那亮鄉源流不竭尤極清冽灌田約百畝池旁有清源亭士人嘗修禊於此

水仔坑在縣東北一百里亮一圖源出席帽峯灌

瓊州府志

卷四

下

輿地

水利

二十五

田百餘畝

謝來坑在縣東北一百里源出謝來嶺雙水合流灌田數百畝

俱同上

大河水在城北一里源出大五指山經嶺黎馬□等村灌田數百畝乾隆五十七年知縣瞿雲魁重修嘉慶十五年知縣馮金錫集邑紳復修

縣舊

志

小河水在城北源出黎山與大河水分支經興調二圖灌田數百畝

同上

崖州

達隴溝在州北二里明宏治十七年鄉人築漑田

百餘頃今廢黃氏通志

抱架溝在州西南抱架館海濱廣漠旱不能耕明  
宏治二年知州林鐸築溝引千家山河水溉之  
橋門溝一名望樓溝在州西百五十里明宏治二  
年知州林鐸築引千家山下河水溉田

望樓溝在州西九十里溉望樓田數頃

東羅溝在州西六十里溉東羅羅馬等處田俱同上

水南溝在州南二十里宏治十年開溉田百餘頃

埋鵝陂在州南一里明宣德五年知州林黻築壩

溉田百餘頃成化間知州徐琦重修

南乙溝距州二里邑人開灌田百餘頃

瓊州府志

卷四

下 輿地 水利

二十六

石牙陂在州西五里明天順六年州判周永興舊志

闕名築堤灌田五十餘頃

石頭陂在州東北五里鄉民歲修灌遷拖郎萇諸  
田

中亭溝在州北五里明宏治二年知州林鐸開築  
溉田甚廣

高村陂在州東五里舊有大河久淤明成化八年  
判官何琛疏築溉田五十餘頃

仰重溝在州東八里明宏治二年知州林鐸開引  
高村五指水灌田二百餘頃

抱里陂在州西五十里明成化五年知州徐琦創

開一村利賴

雷溝在州西五十里明正統二年主簿梁正開引  
抱橫塘水入九所屯大塘灌田甚廣

都陂在州東北十餘里源出北黎山明正統二年  
主簿梁正修後崩塞宏治元年知州林鐸築復  
漑田千餘頃

椰根陂在州東百里鄉民歲修灌田百餘頃

南畧陂在州東一百里村民修築灌本村及多銀  
諸田

南北溝明正德十四年知州陳堯恩鑿鍾芳有記  
馬丹溝在州北五里明正德十四年知州陳堯恩

瓊州府志

卷四

下

輿地

水利

二十七

鑿漑田百頃

樂羅溝在州西六十里

大官溝知州陳堯恩鑿引漳水歸後河

池返溝復溝俱在州西八十里明正統間主簿梁

正開

小郎芒溝在州西五里灌田數頃

大郎芒溝在州西七里明知州徐琦開

餘甘溪陂在南嶺東村民黎柵修築

解元陂在田遼村明成化二年修築

俱同上

感恩縣

感恩水在城東北五里

温冷池在城東十里

温湯泉在城北七十里

感勞浦在城東北七十里感勞山下廣二十餘丈

白龍塘在城東七十里

小洲塘在城北三十里

石排灣在城西南四十里

黃麋溝在城東一百里

老馬井在城東北四十里

碧沙洲在城東門外

陀興堤

觀墳壩

瓊州府志

卷四

下

輿地 水利

二十八

賴結壩

站後壩

德旺壩

打倫壩以上俱在城南豐鄉

加頓溝

不磨溝以上二溝俱在城北富鄉

按感恩縣志以上十八條統入水利而未詳其灌溉若干頃畝今仍之惟查採訪冊開南湘江白沙港大小南港北黎港諸水本自山泉折流出海其支派所過之處夾岸築壩置車皆可以取水灌田農民攸賴因諸港已見

山川故此處不復紀載

白沙塘在城南源出陀崙嶺下有大溪直經此塘

入海其間築塞陂壩灌田無數冊探訪

板橋港在縣城南十五里源從白穴村流出近村

田畝多賴灌溉同上

按水利一門舊志竟闕古者溝洫之制昉自周官元馬氏文獻通考專志水利一門深得爲治之本爲民上者所當急務也瓊郡田多倚山墾闢或海濱斥鹵取水維艱邇時始知啓閉蓄洩之道近水泉者甃甃以引之曰圳架竹以通之曰筭樹柵畚土以瀦之曰陂砌

石爲門以時出納曰閘鑿木爲機手挽脚踏風轉曰車之數者因地制宜其利漸溥更得良有司察其利病時其修葺則三農收灌溉之利而四時無旱澇之虞將化瘠壤爲膏腴而耕鑿之風可復見於今日矣茲考一統志通志各州縣志及地輿諸書有關水利者增輯一門其水泉止資灌溉者悉記於此山川門不復重列以避繁瑣